



册府元龜  
卷之七十六  
至九

13  
849  
28





43  
849  
28



冊府元龜

淮南李嗣京參閱

西極文翔鳳訂正

豫章黃國琦較釋

帝王部 七十六

禮大臣 附太褒賢

禮大臣

傳口禮大臣則不眩蓋夫勲德之重位望尊顯既注  
意而屬任又改容而體貌斯哲王之懿範也至有虛  
懷宴見前席咨訪或尊以官呼或異其禮數亦有告



歸謝病如渥縟之賜引年上綬進優崇之秩寵靈煥赫度越夔等皆所以眷待舊老褒顯純懿厚股肱之禮增堂陛之峻者也非夫茂功懿行雋臣碩望其何以當之哉

商太戊時伊陟爲相太戊贊伊陟於廟言弗臣伊陟漢武帝時田千秋爲相年老帝優之朝見得乘小車入宮殿中故因號曰車丞相

元帝卽位以丞相于定國任職舊臣敬重之

後漢光武時竇融爲特進乞骸骨輒賜錢帛太官致珍奇及弟友卒帝愍融年衰遣中宮侍侍中謁者卽

其臥內強進酒食

明帝卽位以鄧禹先帝元功拜爲太傅進見東向甚

見尊寵

臣當北面尊如賓故令東向

鄧騭爲車騎大將軍上蔡侯母服闋詔諭騭還輔朝政更授前封騭等叩頭固讓乃止於是竝奉朝請位次在三公下特進侯上

在特進及列侯之上

其有大議乃詣朝

堂與公卿參謀

魏明帝時鍾繇爲太傅有膝疾拜起不便時太尉華歆亦以年高疾病朝見皆使戴輿車虎賁昇上殿就座是後三公有疾遂以爲故事



晉武帝時王祥爲太保御史中丞侯史光以祥久病  
闕朝會禮請免祥官詔曰太保元老高行朕所毗倚  
以隆政道者也前後遜讓不從所執此非有司所得  
議也遂寢光奏祥固乞骸骨詔聽以睢陵公就第位  
同保傳在三司之右祿賜如前詔曰古之致仕不事  
王侯今雖以國公留居京邑不宜復苦以朝請其賜  
几杖不朝大事皆諮訪之賜安車駟馬第一區錢百  
萬絹五百疋牀帳簟褥以舍人六人爲睢陵公舍人  
置官騎二十人以公子騎都尉肇爲給事中使嘗優  
遊定省又以太保高滌清素家無宅宇其權留本府  
須所賜第成乃出

泰始九年太傅鄭冲抗表致仕詔曰太傅韜德深粹  
履行高潔恬遠清虛確然絕世艾服王事六十餘載  
忠肅在公慮不及私遂應衆舉歷登三事仍荷保傅  
之重綢繆論道之任光輔奕世亮茲天工迪宣謀猷  
弘濟大烈可謂朝之俊老衆所具瞻者也朕昧於正  
道庶事未康挹仰耆訓導揚厥蒙庶賴顯德緝熙有  
成而公屢以年老疾篤致仕告退惟從公志則朕孰  
與諮謀譬彼涉川罔知攸濟是用未許迄於累載而  
高讓彌篤至意難違覽其盛指俾朕憮然夫功成弗



有上德所隆成人之美君子與焉豈必遂朕憑賴之心以枉大雅進止之度哉今聽其所執以壽光公就第位同保傅在三司之右公宜願精養神保御太和以究遐福賜几杖不朝古之哲王欽祗國老憲行乞言以彌縫其闕若朝有大政皆就諮之又賜安車駟馬第一區錢百萬絹五百匹牀帷篔簹褥置舍人六人官騎二十人以世子徽爲散騎嘗侍使嘗優游定省祿賜所供策命儀制一如舊典而有加焉

元帝登尊號百官陪列命中書監錄尚書事王導升御牀共坐導固辭至於三四曰若太陽下同萬物蒼

生何繇仰照帝乃止成帝時冬烝詔歸牀於王導曰無下拜導辭不敢當初帝幼冲見導每拜又嘗與導書手詔則云惶恐言中書作詔則曰敬問於是以為定制自後元正導入帝猶爲之興焉有羸疾不堪朝會帝幸其府縱酒作樂後令輿車入殿其見敬如此後魏文成時高允爲中書令兼太常卿帝重允嘗不名之呼爲令公令公之號播於四遠矣太和二年又以老乞還鄉里章十上卒不聽許遂以疾告歸其年詔以安車徵允勅州郡發遣至都拜鎮軍太將軍領中書監固辭不許又扶引就內改定皇誥至孝文時



詔允乘車入殿朝賀不拜又詔曰允年涉危境而家貧養薄可令典部繇竹十人五日一詣允以娛其志特賜允蜀牛一頭四望蜀車一乘素几杖各一蜀刀一口又賜珍味每春秋常致之尋詔朝晡給膳朔望致牛酒衣服綿絹每月送給允皆分之親故遷尚書散騎嘗侍延入備几杖問以政治十年加光祿大夫金章紫綬朝之大議皆諮訪焉其年四月有事西郊詔以御馬車迎允就郊所板殿觀矚馬忽驚奔車覆傷脊三處孝文文明太后遣醫藥護治存問相望司駕將處重坐允啓陳無恙乞免其罪先是命申黃門

蘇興壽扶持允會雪山遇大驚倒扶者大懼允慰免之不令聞徹興壽稱其允接事三年未嘗見其忿色獻文帝時乃雍為特進征南大將軍皇興中雍與隴西王源賀及中書監高允等並以耆老特見優禮賜雍几杖劔屨上殿日致塚羞焉

隋文帝時李穆為太師上表乞骸骨詔曰公年既耆舊筋力難煩令勒所司敬蠲朝集如有大事須共謀謨別遣使臣就第詢訪時太史奏當有移都事帝以初受命其難之穆乃上表極言宜移都之便帝素嫌臺城制度窄小又宮中多鬼祲蘇威嘗省穆表帝曰



天道聰明已有徵應太師人望復執此請則可矣遂從之歲餘下詔穆曰自今已後雖有愆罪但非謀逆縱有百死終不推問

竇熾為太傅帝加殊禮贊拜不名

唐高祖時裴寂為尚書右僕射賜以服玩不可勝紀仍詔尚食奉御每日賜寂御膳高祖視朝必引與同坐入閣則延之臥內言無不從呼為裴監而不名當朝親禮莫以為比

代宗時郭子儀為尚父汾陽郡王帝不名之呼為大臣

德宗貞元九年十月司徒兼侍中馬燧對延英殿初燧以足疾許不朝謁是日燧以冬首朝請帝因對命無拜而坐謂之曰曩故太尉晟嘗與公俱來今獨覩公不覺悲動歔歔久之既而燧請退足病甚仆於地不興帝親起之送至於階命中官扶掖燧頓首泣謝乃出十一年八月遣宰相於燧第問疾

李晟為司徒中書令帝常呼為大臣

憲宗元和初司徒杜佑每奏對帝禮之不名嘗呼為司徒

裴垪元和三年作相時吐突承璀自春宮侍帝恩顧



莫二承璿承間時欲有所關說帝憚璿誠勿復言帝在禁中嘗以官呼璿而不名

穆宗元和十五年正月卽位二月庚辰詔於西上閣門內西廊開便門以通宰臣自閣中赴延英路示優禮也

長慶二年四月裴度爲河東節度使入覲見於閣內謝恩畢趨至龍墀伏奏河北討賊無功之狀及蒙除東都留守又奉詔許至京師循敘恩德因鳴咽涕泗伏而未起通事舍人郤舉常令假宣止度未及言帝爲動容遽曰卿所謝知且往延英待卿矣初人以度

無左右之助雖爲勲舊慮不能有以感動及度伏奏辭氣朗直至言及河北事無隱避慷慨激切聞於庭中在位無不聳視雖武將貴介亦有揮涕歔歔者是時赴朝儀式閣中群官未退宰相不奏事或遇稱賀之禮則謁者承旨假辭宣答及是帝以元臣敷奏特異常禮百辟在列咸聞聖言近歲未之有也

文宗開成二年五月詔裴度有大勲時將告老帝念以舊老元臣降使以示恩禮

後唐莊宗初入汴時張全義自維赴覲泥首待罪莊宗撫慰久之以其年老令人掖而升殿宴賜盡歡詔



皇子繼岌皇弟存紀等皆兄事之  
周太祖廣順三年三月太子太師致仕白文珂辭還  
雒陽賜襲衣金帶鞍馬錦綵銀器肩輿示優禮也  
世宗顯德四年四月壬午司空門下侍郎平章事李  
穀扶疾見於便殿宣令不拜命坐於御座側穀始以  
車駕南征大捷爲賀次以抱疾旣久請辭祿位帝怡  
然以勉之且曰譬如家有四子一子有疾棄而不養  
非父之道也朕君臨萬方卿處輔相之位君臣之間  
分義斯在柰何以祿俸爲言哉穀愧謝而退  
六年二月乙酉又對穀於便殿旣罷命赴中書會食

褒賢

夫嶽歌股肱衆業用廣禹稱善人不肖斯遠是故哲  
艾之士清公之臣詩雅喻乎邦基春秋謂之國紀褒  
尚之數於斯爲異其大也著弼諧之業奉財成之化  
樹盛美之德爲人倫之表是用尊以寵名分厥寶器  
申誕告於有截榮追命於旣往其次修明吏治敷陳  
要道正辭瑰意篤義首公敦廉讓之風不求苟得聳  
高尚之至終然允臧乃至延登勞問言行相顧繇是  
體貌尤異簡在不忘增重名級優加賜予或形詔獎  
或播工歌嘉歎殊嘗倚用繇已蓋優寵於賢俊俾群



倫之景慕者也

周成王既踐天子位周公在豐病將沒口必葬我成  
周以明吾不敢離王周公既卒成王亦讓葬周公於  
畢從文王以明予小子不敢臣周公也命魯得郊魯君  
祀帝於郊配以祭文王諸侯不得祖天子魯以周  
后稷天子之禮公之故立文王之廟也

有天子禮樂者以褒周公之德也  
漢宣帝時朱邑字仲卿為北海太守以治行第一入  
為大司農神爵元年卒天子閔惜下詔稱揚曰大司  
農邑廉潔守節退食自公亡疆外之交束修之饋可  
謂淑人君子遭離凶災朕甚閔之其賜邑子黃金百

斤以奉其祭祀

龔遂為渤海太守數年宣帝遣使者徵遂議曹王生  
願從功曹以為王生素嗜酒亡節度不可使遂不忍  
逆從至京師王生日飲酒不視太守會遂引入宮王  
生醉從後呼曰明府且止願有所白遂還問其故王  
生日天子即問君何以治渤海君不可有所陳對直  
曰皆聖王之德非小臣之力也遂受其言既至前帝  
果問以治狀遂對如王生言天子說其有讓笑曰君  
安得長者之言而稱之遂因前日臣非知此乃臣議  
曹教戒臣也帝以遂年老不任公卿拜為水衡都尉



議曹王生為水衡丞以褒顯遂云

尹翁歸宣帝時為右扶風視事數年卒家無餘財帝

賢之制詔御史朕夙興夜寐以求賢為右右尤不異

親疏近遠務在安民而已扶風翁歸廉平鄉正鄉讀

治民異等早夭遂不得終其功業朕甚憐之其賜翁

歸子黃金百斤以奉其祭祀

後漢光武時張堪為漁陽太守帝嘗召見諸郡計吏

問其風土及前後守令能否蜀郡計掾樊顯進曰漁

陽太守張堪昔在蜀其仁以惠下威能討姦前公孫

述破時珍寶山積捲握之物足富十世謂珠玉而堪

去職之日乘折轅車布被囊而已帝聞良久歎息良

也拜顯為漁復長魚復縣屬巴郡故城在今方徵琪

會病卒帝深悼惜之下詔褒揚賜帛百疋

明帝時張奮嗣父爵武始侯歸國少好學節儉行義

永平十年來朝上壽引見宣平殿應對合旨帝異其

才以為侍祠侯

章帝即位張酺自太子侍講出為東郡太守帝每見

諸王師傅常言張酺前入侍講屢有諫正聞閭惻惻

出於誠心可謂有吏魚風矣

朱暉為臨淮太守坐法免歸帝巡狩告南陽太守問



暉起居召拜為尚書僕射歲終遷太守暉上疏乞留  
中詔許之因上便宜陳密事深見嘉納詔報曰補公  
家之闕不累清白之素斯善美之士也俗吏苟合阿  
意面從進無審察之志卻無退思之念患之甚久惟  
今所言適我願也生其勉之

毛義以孝行稱舉賢良不至建初中帝下詔褒寵賜  
穀千斛嘗以八月長吏問起居別賜羊酒

和帝時陳寵為廣漢太守竇憲為大將軍征匈奴公  
卿以下及郡國無不遣吏子弟奉獻遺者而寵與中  
山相汝南張郁東平相應順守正不阿後帝聞之擢

寵為大司農郁太僕順左馮翊

安帝時薛包好學篤行以孝聞公車特徵至拜中  
包性恬虛稱疾不起以死自乞有詔賜告歸家禮如  
毛義

魏太祖時荀彧為尚書令所舉皆命世大才荀攸後  
為尚書令亦推賢進士帝曰二荀令之論人久而益  
信吾畢世不忘

蒯越為汝陽令佐劉表平定境內表得以疆大詔書  
拜章陵太守封樊亭侯荆州平太祖與荀彧書曰不  
喜得荆州喜得蒯畢度耳

越字畢度



胎習字元升京兆人也時孔融被誅習獨往哭之太祖聞之收習欲理之尋以其事直見原徙許東土橋下習後見帝陳謝前愆帝呼其字曰元升卿故慷慨因問其居處以新移徙賜穀百斛至黃初欲用之以其年老然嘉其敦舊有樂布節賜拜中散大夫還家楊阜初參冀州軍事時馬超叛率諸戎以攻冀城刺史太守失色始有除超之意阜流涕諫曰阜等率支兄弟以義相勵有死無二旣與馬超戰身被創宗族昆弟死者七人超遂南奔張魯隴右平定太祖封討超之功侯者十一人賜阜爵關內侯阜讓曰阜君

存無扞難之功君亡無死節之效於義當細於法當誅超又不死無宐苟荷爵祿帝席報曰君與群賢共建大功西土之人以爲美談子貢辭賞仲尼謂之止善君其剖心以順國命

毛玠爲吏部尚書無敢好衣美食者太祖歎曰孤之法不如毛尚書令使諸部用心各如毛玠風俗之移在不難矣帝平柳城班所獲器物特以素屏風素馮几賜玠曰君有古人之風故賜君古人之服明帝時和洽爲太嘗卿清貧守約至賣田宅以自給帝聞之加賜穀帛



齊王時徐邈爲司空卒胡質爲征東將軍卒田豫爲  
衛尉卒嘉平六年朝廷追恩清節之士詔曰夫顯賢  
表德聖王所重舉善而教仲尼所美故司空邈征東  
將軍質衛尉豫皆服職前朝歷事四世出統戎馬入  
贊庶政忠清在公憂國忘私不營產業身沒之後家  
無餘財朕甚嘉之其賜邈等家穀二千斛銀三十萬  
布告天下

晉文帝時魏野爲相國參軍帝深器重之每朝會坐  
罷日送之曰魏野堂堂人之領袖也

武帝踐阼下詔曰故司空王基旣著德立勲又治身  
清素不營產業又在重任家無私積可謂身歿行顯  
足用勵俗者也其以奴婢二人賜其家

王祥爲太保旣薨咸寧初以祥家甚貧儉賜絹三百  
疋其子稷上維太守

范粲爲太宰中郎稱疾不出武帝踐阼泰始中粲同  
郡孫和時爲太子中庶子表薦粲稱其操行高潔久  
嬰疾病可使郡縣輿至京師加以聖恩賜其醫藥若  
遂瘳除必有益於政乃詔郡縣給醫藥又以二千石  
祿養病歲以爲嘗加賜帛百疋子喬以父疾篤辭不  
敢受詔不許



魯芝爲鎮東將軍進爵爲侯帝以芝清忠履正素無  
居宅使軍兵爲作屋五十間泰始元年卒帝爲舉哀  
賜贈有加謚曰貞賜塋田百畝

王覽泰始末除弘訓少府職省轉太中大夫祿賜與  
卿同咸寧初詔曰覽少篤至行服仁履義貞素之操  
長而彌固其以覽爲宗正卿頃之以疾上疏乞賜骸  
骨詔聽之以太中大夫歸老賜錢二十萬牀帳薦褥  
遺殿中醫療疾給藥後轉光祿大夫門施行馬

盧欽爲尚書僕射領吏部卒贈衛將軍詔以欽忠清  
高潔不營產業身歿之後家無所庇特賜錢五十萬

爲立第舍復下詔曰故司空王基衛將軍盧欽領典  
軍將軍楊囂竝素清貧身歿之後居無私積頃者饑  
饉聞其家大匱其各賜穀三百斛

元帝時熊遠累遷太子庶子尚書左丞散騎嘗侍帝  
每歎其忠公謂曰卿在朝正色不苟柔吐剛忠亮至  
到可謂王臣也吾所傾賴卿其勉之

安帝時吳隱之有清節歷太常尚書中領軍義熙八  
年請老致仕優詔許之授光祿大夫加金章賜錢十  
萬米三百斛卒追贈左光祿大夫加散騎嘗侍隱之  
清操不渝屢被褒節及於身歿嘗蒙優賜顯贈廉士



以爲榮

後魏太武時崔浩爲著作郎帝季年威嚴頗峻宮省左右多以微過得罪莫不逃隱避目下之變浩獨恭勤不怠或終日不歸帝知之輒命賜以御粥爲左光祿大夫時平涼旣平其日宴會帝執浩手以示北凉沮渠蒙遜使曰所云崔公此是也才略之美當今無比朕行止必同成敗決焉若合符契無所失矣後冠軍將軍安頡軍還獻俘因說南賊之言云宋人勅其諸將若北國兵動先其未至徑前入河若其不動任彭城勿進如浩所量帝謂公卿曰卿輩前謂我用浩

計爲謬驚怖固諫嘗勝之家始皆自謂踰人遠矣至於歸終乃不能及遷浩司徒與長孫道生同爲相帝命歌工歷頌群臣曰智如崔浩廉如道生

李孝伯恭宗曾啓太武廣徵俊秀帝曰朕有一孝伯足治天下何用多爲假復求訪此人輩亦何可得其見貴如此

公孫軌爲諸軍司馬大武平赫連昌引諸將帥入其府藏各令任意取金玉諸將取之盈懷軌獨不取帝把手親探金賜之謂軌曰卿可謂臨財不苟得朕所以增賜者欲顯廉於衆人



邢穎爲中書侍郎以病還鄉里久之太武訪穎於群臣曰往憶邢穎長者有學義宜侍講東宮今其人安在司徒崔浩對曰穎臥病在家帝遣太醫馳就療文成時高允爲中書侍郎領著作郎以忠諫拜中書令著作如故司徒陸麗曰高允雖蒙寵待而家貧布衣妻子不立帝怒曰何不先言今見朕用之方言其貧是日幸允第惟草屋數間布被緼袍厨中鹽菜而已帝歎息曰古之清貧豈有此乎卽賜帛五百疋粟千斛拜長子悅爲綏遠將軍長樂太守允頻表回讓帝不許

程駿爲著作郎獻文類引駿與論易老之義顧謂群臣曰朕與此人言易甚暢又問駿曰卿年幾何對曰臣六十有一帝曰昔太公旣老而遭文王卿今遇朕豈非早也駿曰臣雖才謝呂望而陛下尊過西伯覲天假餘年端六韜之効

孝文時李彪除散騎嘗侍仍領御史中尉帝宴群臣於流化池謂僕射李冲曰崔光之博李彪之直是我國家得賢之基孫思蔚與李彪以儒學相知及彪位至尙書思蔚仍太廟令孝文曾從容言曰道固旣登龍門而孫蔚猶沉消澮朕嘗以爲負矣雖久滯小官



深體通塞無孜孜之望儒者以是尚焉

後周太祖時長孫紹遠爲殿中尚書錄尚書帝謂群公曰長孫公任使之處令人無反顧憂漢之蕭冠何足多也

閔帝時裴俠爲工部中大夫嘗遇疾司空許國公宇文貴小司空北海公申徽竝來候俠疾所居茅屋不免霜露貴等還言之於帝帝矜其貧苦乃爲起宅并賜良田十頃奴隸耕耨糧粟莫不備足縉紳咸以爲榮

明帝時長孫儉爲夏州總管卒以所賜之宅還官詔

從之未幾詔曰昔叔敖辭沃壤之地蕭何就窮僻之鄉以古方今無慙曩哲眷言嘉尚弗忘於懷而有司未達大體遽以其第卽便給外令還其妻子

武帝謂少宗伯斛斯徵曰庾季才志誠謹懇甚得人臣之禮因賜粟三百石帛二百段自太祖時季子爲儀同三司會宇文護執政及護滅之後閱其書記帝親自臨檢有假託符命妄造異端者皆致誅戮唯得季才書兩紙盛言緯候災祥宐反政歸權因有是賜韋曼高尚不仕宣政元年二月卒於家帝遣使吊祭賻賵有加其喪制葬禮諸子等竝遵其遺戒



隋高祖時顏之儀初仕周宣帝末爲御正中大夫時  
鄭譯等矯詔令高祖輔政之儀執節不阿厲色謂譯  
等曰之儀有死而已不敢誣罔先帝譯等知不可屈  
代署焉帝受禪出爲集州刺史開皇十年正月之儀  
例入朝帝望而識之命引至御座謂之曰見危受命  
臨大節而不可奪古人所難何以加卿乃賜錢十萬  
米一百石

高穎爲尚書左僕射任寄益隆穎深避權勢上表遜  
位讓於蘇威高祖欲成其美聽解僕射數日帝曰蘇  
威高穎前朝穎能推舉吾聞進賢受上賞寧可令去

官於是命穎復位

煬帝時吐萬緒爲光祿卿以證明賀若弼之無罪免  
官歲餘守東平太守未幾帝幸江都路經其境迎謁  
道傍帝命升龍舟緒因頓首陳謝往事帝大悅拜金  
紫光祿大夫守如故

唐高祖時詔長安令王績率騎四千赴太宗軍以擊  
劉黑闥帝謂之曰卿憂公忘私清直自守老母妻子  
不免饑寒爲使不當爾邪乃以穀帛衣馬勞而遣之  
太宗貞觀十一年正月散騎嘗侍姚思廉卒詔陪葬  
於昭陵褒有德也



六月帝謂長孫無忌曰朕卽位之初有尚書者或言人主必須威權獨運不得委任群下或欲躍兵振武懾服四夷唯有魏徵勸朕偃革興文布德施惠中國既安遠人自服朕從其語天下大寧絕域君長皆來朝貢九夷重譯相望於道凡此等事皆魏徵之力也朕之所用豈不得人徵謝曰陛下聖德自天留心政術臣以庸短承受不暇豈得有益陛下欲誘進臣下故有是言也

十二年三月皇孫誕育宴五品以上於東宮酒酣帝極權謂侍臣曰貞觀以前從我平天下周旋艱險房玄齡之功無所與讓貞觀之後盡心於我獻納忠謹安國利民犯顏正諫弼朕之違者唯魏徵而已古之名臣何以加也於是親解佩刀以賜二人

十三年二月特進魏徵抗表乞骸骨帝曰以卿正直援居左右數進忠讜用益國家朕爲四海之主山藪幽隱尤須徵召况王臣蹇蹇朕所悉耶卿前覽止足以去職事未至疲老幸不苦辭

高宗龍朔元年九月癸卯幸司空李勣第歎其服用儉素恩賜極厚

中宗神龍初詔前長水令王友貞拜太子中舍人仍



令所司以禮徵赴及至固以疾辭下制曰敦夷齊之行可以激貪尚顏閔之道用能勸俗新除太子中舍人王友貞德義泉藪人倫茂異孝愛始於事親忠信表於行已富在文史廉於貨財久歷官政累聞課績有古人之風保君子之德遂乃抗志塵外栖情物表深歸解脫之門誓守薰修之誠須加徵命作護儲闈固在辭榮累陳情懇堅持淨義不登於車服味茲禪悅靡求於塚饌朕方崇獎廉退懲靜澆浮雖思廊廟之賢豈違山林之願宜加優秩仍遂雅懷可給全祿以畢其身任在家修道仍令所在州縣存問四時送祿至其住所

德宗貞元中趙宗儒罷相授右庶子退居守道奉朝請而已帝聞而嘉之遷吏部侍郎召見勞之曰知卿閉關六年故有此拜曩者與先臣并命尚念之邪因俯伏流涕

憲宗元和七年秋七月己未帝於延英顧謂宰臣李吉甫曰朕近日畋遊悉廢唯務讀書昨因覽代宗實錄見先朝紀綱不立朝廷多事亦有所鑒誠自後見卿先人事迹深可嘉歎吉甫降階奏曰臣先父伏事代宗盡心盡節迫於流連不待聖期臣之血誠常所



追恨陛下耽悅文史聽覽日新見臣先父忠於前朝  
著在實錄今日特賜褒揚先父雖在九泉如親白口  
因伏俯流涕帝亦慰諭久之

穆宗元和十五年十二月勅贈太保鄭餘慶家素清  
貧不辦喪事宜令戶部特給一月俸糧以充贖贈用  
示哀榮數日又賜絹一百疋布一百端

文帝開成二年諫議大夫蕭俛為楚州刺史俛故相  
俛之弟將赴任延莫候辭帝曰蕭俛是先朝賢相若  
筋力未衰卽須一來京國朕今賜手詔及匹帛卿便  
將往其詔曰卿道冠時髦業高儒行著作礪濟川之

妙弘致君許國之規留芳巖廊逸老林壑累降褒詔  
亟加崇秩而志不可奪情見手詞鴻飛入冥吟想增  
歎今賜絹三百疋以備山谷所乏便遣蕭俛過彼宣  
付想宜知悉

後唐明宗長興三年三月謂侍臣曰宰臣馮道性純  
儉頃在德勝寨所居一茅菴與從人同器食臥則芻  
藁一束其心晏如及以父憂退歸鄉里自耕耘樵採  
與農夫雜處略不以素貴介懷真士大夫也



冊府元龜 卷之七十七

冊府元龜

淮南李嗣京參閱

西極文翔鳳訂正

豫章黃國琦較釋

帝王部 七十七

委任

王者臨制海內壹齊天下內外之任衆職竝建授受之際必得其人然後委而用之斯古今不易之道也是以任賢勿貳載厥禹謨垂拱仰成著於周誥爰自兩漢迄於近世曷嘗不登用髦俊疇咨毗賴或機務

冊府元龜 帝王部 卷之七十七



蒙委訪以大計或輿駕順動付以居留抱兼才者因  
之省官辭衰恥者俾之疆起裁處闕决既許以便益  
登擢署置悉係其論擬故有心比金石材稱楨幹居  
以稱股肱之寄出以增方面之重自非稟克忠之操  
契同德之美者其孰能與於此乎

周康王命畢公曰惟公懋德克勤小物弼亮四世正

色率下罔不祗師言公勉行德能勤小物輔佐文武成康四世為公卿正色率下

人無不敬嘉績多于先王子小子垂拱仰成公之善功多大

先人之美我小子為王垂拱仰成成理言其上顯父兄下施子孫

宣王以申伯甫侯賢知入為周禎幹之臣四國有難

則往扞禦之為之蕃屏四方恩澤不至則往宣暢之

故崧高之詩曰維申及甫維周之翰四國於蕃四方

於宣漢高祖初為漢王引兵東定三秦留蕭何收巴蜀鎮

撫諭告使給軍食二年與諸侯擊楚何守關中待太

子治櫟陽為令約束立宗廟社稷宮室縣邑輒奏上

可許以從事即不及奏輒以便宜行事上表以聞上未

還乃以所計戶轉漕給軍漢王數失軍遜去何嘗與

為聞也關中卒輒補缺漢王以此剽屬任何關中事剽與專同音章

阮切



景帝時邳都為中尉免歸家帝使使即拜都為鴈門

太守就家拜便道之官不令至關陳謝也得以便宜從事也

武帝時吾丘壽王為郎稍遷為東郡盜賊起拜為東

郡都尉上以壽王為都尉不復置太守

霍光為奉車都尉武帝屬光以輔少主光讓侍中金

日磾日磾曰臣外國人且使匈奴輕漢於是遂為光

副高師高武高帝高屬高光高以高輔高少高主高光高讓高侍高中高金高

宣帝本始元年大將軍霍光稽首歸政帝謙謙委任

焉高文高持高日高錄高申高文高甫高錄高文高仲高四高伏高著高四高六高

蕭望之為謁者帝初即位思進賢良多上書言便宜

輒下望之問狀高者請丞相御史望之以其

或以奏聞次者立二千石試事滿歲以狀聞狀請於丞相御史

即見超擢下者報聞或罷歸田里所白處奏皆可試令行其所言

張安世為衛將軍元康四年病上疏歸侯乞骸骨天

子報曰將軍年老被病朕甚閔之雖不能視事折衝

萬里君先帝大臣明於治亂朕所不及得數問焉言

所不及者即何感而上書歸衛將軍富平侯印感恨也音

胡惜切薄朕忘故薄猶嫌也君意嫌朕遺忘故舊而求去也非所望也願將

軍疆餐食近醫藥專精神以補天年安世復疆起視

事



龔遂坐昌邑王事免為城旦宣帝即位久之渤海左

右郡歲饑盜賊竝起左右謂側近相次者二千石不能禽制上

選能治者丞相御史舉龔遂可用上以為渤海太守

時遂年七十餘召見形貌短小宣帝望見不副所聞

心內輕焉謂遂曰渤海廢亂朕甚憂之君欲何以息

其盜賊以稱朕意遂對曰海瀕遐遠不霑聖化瀕澤也音

頰又音賓其民困於饑寒而吏不恤故使陛下赤子盜弄

陛下之兵於潢池中耳赤子尤言初生幼小之意也積水曰潢音黃今欲

使臣勝之邪將安之也勝謂以威力克而殺之也安謂以德化撫而安之也帝

聞遂對甚說說讀作悅答曰選用賢良固欲安之也遂曰

臣聞治亂民猶治亂繩不可急也惟緩之然後可治

臣願丞相御史且無拘臣以文法得一切便宜從事

上許焉加賜黃金贈遺乘傳至渤海界

杜延年初仕昭帝為太僕右曹給事中吏民上事言

便宜有異輒下延年平處復奏言先平處其可否則然後奏言可官

試者至為縣令或丞相御史除用滿歲以狀聞或抵

其罪法抵至也言事之人有奸妄者則致之於罪法常與兩府及廷尉分

章延年為人安和備於諸事言皆明習也久典朝政宣帝

立信任之出即奉駕入給事中居九卿位十餘年賞

賜賂遺貨數千萬



冊府元龜 委任 卷之七十七

武帝時翟方進為丞相定陵侯淳于長雖外戚然以  
能謀議為九卿新用事方進獨與長交稱薦之及長  
坐大逆誅諸所厚善皆坐長免帝以方進大臣又素  
重之為隱諱方進內慙愧上疏謝罪乞骸骨帝報曰  
定陵侯長已伏其辜君雖交通傳不云乎朝過夕改  
君子與之與許也君何疑焉其專心一意毋怠醫藥以  
自持方進乃起視事條奏長所厚善京兆尹孫寶右  
扶風蕭育刺史二千石以上免二十餘人其見任如  
此

後漢光武時李通為大司農帝每征討四方常令通  
居守京師鎮撫百姓修宮室起學宮

寇恂為河內太守行大將軍事帝謂恂曰河內完富  
吾將因是而起昔高祖留蕭何鎮關中吾今委公以  
河內堅守轉運給足軍糧率厲士馬防遏它兵勿令  
北渡而已光武於是復北征燕代恂移書屬縣講兵  
肄射伐淇園之竹為矢百餘萬養馬二千疋收租四  
百萬斛轉以給軍

王嘗初為左曹封山桑侯帝嘗於大會中指嘗謂群  
臣曰此家率下江諸將輔翼漢室心如金石真忠臣  
也是日遷嘗為漢中將軍遣南擊鄧奉董訢令諸將



皆屬焉

景丹為驃騎大將軍建武三年陝賊蘇况攻破弘農

生獲郡守丹時病

丹從上至懷病瘡見上在前瘡發寒懷帝笑曰聞壯士不病瘡今漢

大將軍反病瘡邪使小黃門扶起賜醫藥還歸雒陽病遂加

帝以其強將欲令強

起領郡事乃夜召入謂曰賊迫近京師但得將軍威

重臥以鎮之足矣丹不敢辭乃力疾拜命

耿弇為建威大將軍時漁陽太守彭寵反詔弇攻之

弇以父據上谷本與彭寵同功又兄弟無在京師者

自疑不敢獨進上書求詣雒陽詔報曰將軍出身舉

宗為國所向陷敵功效尤著何嫌何疑而欲求徵且

與王嘗共屯涿郡勉思方略

陳俊為瑯琊太守行大將軍事將兵擊董憲於贛榆

縣名屬東海郡

進破胸賊孫陽平之後張步畔還琅琊俊追

討斬之帝美其功詔俊得專征青徐賜俊璽書曰將

軍元勳大著威震青徐兩州有警得專征之俊得撫

貧弱表有義檢制軍吏不得與郡縣相干百姓歌之

數上書自請願奮擊隴蜀詔報曰東州新平大將軍

之功也負海猾夏盜賊之處國家以為重憂且勉鎮

撫之

竇融為涼州牧建武八年光武西征隗囂融率五郡



太守及羗虜小月支等步騎數萬輜重五千餘兩與  
大車會高平第一高平今原州縣光武待以殊禮及  
帝悉遣西還所鎮以兄弟並受爵位久專方面懼不  
自安數上書求代詔報曰吾與將軍如左右手耳數  
執謙退何不曉人意勉循士民無擅離部曲後入朝  
代陰興行衛尉事特進如故又兼領將作大匠弟友  
爲城門校尉兄弟並典禁兵又後爲大司空數辭讓  
爵位因復請間求見帝不許後朝罷逡巡席後帝知  
欲有讓遂使左右傳出他日會見迎詔融曰日者知  
公欲讓職還土故命公暑熱且自便今相見宜論他

事勿得復言融不敢重陳請

郭伋爲潁州太守召見辭謁帝勞之曰賢能太守去  
帝城不遠河潤九里冀京師並蒙福也君雖精於追  
捕而山道險阨自關當一土耳深宜慎之後爲涼州  
牧時朝廷多舉伋可爲大司空帝以并都尚有盧芳  
之警且匈奴未安欲使久於其事故不召  
岑彭爲征南大將軍與大司馬吳漢及誅虜將軍劉  
隆輔威將軍臧宮驍騎將軍劉歆發南陽武陵南郡  
兵又桂陽零陵長沙委輸棹卒棹卒持棹  
行船也凡六萬餘  
人騎五千匹皆會荆門吳漢以三郡棹卒多費糧穀



刑府并... 委任  
欲罷之彭以爲蜀兵盛不可遣上書言狀帝報彭曰  
大司馬習用步騎不曉水戰荆門之事一絲征南公  
爲重而已

明帝初馮魴爲執金吾帝東巡群國留魴宿衛南宮  
勅魴車駕發後將緹騎宿玄武門複道上領南宮吏  
士保給牀席子孫得到魴所

竇固爲奉車都尉復出玉門擊西域詔耿秉及騎都  
尉劉張皆去符傳以屬固

專將兵者並有符傳擬合  
之取信今去符皆受固之  
節 固遂破白山降車師

和帝時張酺代尹睦爲太尉數上書以疾乞身薦魏

鄧太守徐防自代帝不許使中黃門問病加以堦

賜錢三萬酺遂稱篤時子蕃以郎侍講帝因令小黃

門勅蕃曰陰陽不和萬人失所朝廷望公思惟得失

與國同心而托病自潔求去重任誰當與吾同憂責

者非有望於斷金也司徒固疾司空年老

司徒劉芳  
司空張奮  
也公其僇僕勿露所勅酺惶恐詣闕謝復視事

安帝時張禹爲太傅錄尚書事與太尉徐防司空尹

勤同日俱封其秋以寇賊大雨策免防勤而禹不自

安上書乞骸骨更拜太尉

魏太祖特濫恢爲丞相主簿出爲揚州刺史太祖曰



冊府元龜 委任

甚欲使卿在親近顧以為不如此州事大故書云股  
肱良哉庶事康哉得無當得蔣濟為治中邪時濟見  
為丹陽太守乃遣濟還州又語張遼樂進等曰揚州  
刺史曉達軍事動靜與其咨議  
趙儼初為太祖主簿時太祖征荊州以儼領章陵太  
守徙都督護軍護于禁張遼張郃朱靈李典路招馮  
楷七軍復為丞相主簿  
夏侯惇為河南尹遷伏波將軍領尹如故使民以便  
宜從事不拘科制及從征孫權還使惇都督令十六  
軍留居巢

徐宣初為太祖門下督從到壽春會馬超作亂大軍  
西征太祖見官屬曰今當遠征而此方未定以為後  
憂宜得清公大德以鎮統之乃以宣為左護軍留統  
諸軍後為左僕射加侍中光祿大夫車駕幸許昌總  
統留事帝還主者奏呈文書詔曰吾省與僕射何異  
竟不視  
文帝踐祚以蔣濟為東中郎將濟請留詔曰漢高祖  
歌曰安得猛士守四方天下未寧要須良臣以鎮邊  
境如其無事乃還鳴玉未為後也  
明帝初華歆為太尉嘗薦管寧後歆稱病乞退讓位



於寧帝不許臨當大會乃遣散騎宮侍繆襲奉詔喻指曰朕新蒞庶事一日萬機懼聽斷之不明賴有德之臣左右朕躬而君屢以疾辭位夫量主擇君不居其朝委榮棄祿不究其位古人固有之矣顧以爲周公伊尹則不然潔身徇節嘗人爲之不望之於君其力疾就會以惠予一人將立席機延命百官總已以聽君到朕然後御坐又詔襲須歆必起乃還歆不得已乃起

辛毗爲衛尉時蜀將諸葛亮率衆出渭南先是大將軍司馬宣王數請與亮戰帝終不聽是歲恐不能禁乃以毗爲大將軍軍師使持節六軍皆肅準毗節度

莫敢犯違

宣王數欲進攻毗禁不聽宣王雖能行意每屈於毗

滿寵爲征東將軍與揚州刺史王凌共事不平凌友黨毀寵疲老悖謬故帝詔之旣至體氣康強見而遣還寵屢表求留詔報曰昔廉頗強食馬援據鞍今君未老而自謂已老何與廉馬之相背邪其思安邊境惠此中國

王基爲征東將軍督揚州諸軍事時淮南初定是歲基母卒詔秘其凶門迎基父豹喪合塋雒陽追贈豹北海太守



委仁

晉武帝時賈充為散騎常侍時鍾會謀反於蜀帝假  
充節以本官都督關中隴右諸軍事西據漢中未至  
而會死時軍國多事朝廷機密皆與籌之帝甚信重  
充與裴秀王沈羊祜荀勗同受腹心之任

羊祜鎮南夏詔罷江北都督置南中郎將以所統諸  
軍在漢東江夏者皆以益祜

李喬名犯太祖廟諱不字為太子少傅以忠允高亮有匪躬之

節使領司隸校尉喬屢自表讓忝傳儲宮不宜兼監  
司之官帝以二職並須忠賢故每不許

索綝既立秦王為皇太子秦王即愍帝也及即尊位以綝為

前將軍又授衛將軍領太尉位特進軍國之事悉以  
委之

元帝為瑯琊王永嘉初用王導計始鎮建業以顧榮  
為軍司馬賀循為參佐王敦王導周顛刁協等為腹  
心股肱賓禮名賢存問風俗江東歸心焉

明帝初即位郗鑒為尚書王敦專制內外危逼謀伏  
鑒為外援錄是拜西安將軍兖州刺史都督揚州江  
西諸軍假節鎮合肥

溫嶠為侍中機密大謀皆所參綜召命文翰亦悉豫  
焉俄轉中書令嶠有棟梁之任帝親而倚之



紀瞻爲領軍將軍兼散騎嘗侍及王敦之逆帝使謂  
瞻曰卿雖病但爲朕臥護六軍所益多矣乃賜布千  
疋

桓彝爲散騎嘗侍時帝將伐王敦引參密謀及敦平  
以功封萬寧縣男丹陽尹溫嶠上言宣城阻帶山川  
頻經變亂宜得望實居之竊謂桓彝可充其選帝手  
詔曰適得太真表如此太真嶠字今大事新定朝廷須才  
不有君子其能國乎方今外務差輕欲停此事彝上  
疏溪自撝挹內外之任並非所堪但以墳栢在此郡  
欲暫結名義遂補彝宣城內史在郡有惠政爲百姓

所懷

康帝初卽位諒陰不言委政於庾冰何充於沙音樂  
孝武時王恂爲侍中帝深仗之

琅琊王道子爲司徒太元中詔錄尚書六條事合  
庾懌爲輔國將軍梁州刺史假節鎮魏興時兄亮總  
統六州以懌寬厚容衆故授以是任爲東西勢援  
徐邈爲前衛率領本郡大中正授經太子雖在東宮  
猶朝夕入見參綜朝政脩飾文詔拾遺補闕勤勞左  
右帝嘉其謹密方之於金霍有託重之意晉穆里正  
泉企爲東雍州刺史齊神武專政有西顧之心帝欲



委企以山南之事及除雒州刺史當州都督未幾帝  
西遷齊神武率衆至潼關企遣其子元禮督鄉里五  
千人北至大谷以禦之齊師不敢進

後魏道武天興元年正月車駕幸鄴將北還發卒萬  
人治直道望都鐵閭鑿嘗嶺至代五百餘里帝慮還  
山東有變乃置行臺於中山詔左丞相守尚書令衛  
王儀鎮中山撫軍大將軍略陽公元遵鎮渤海之合  
口  
崔玄伯爲吏部尚書命有司制官爵撰朝儀協音樂  
定律令申科禁玄伯總而裁之以爲永式及置八部

大夫以擬八座玄伯通署三十六曹如令僕絃事爲  
道武所任勢傾朝廷

崔逞初爲慕容寶留臺吏部尚書及慕容麟立逞攜  
子妻亡歸道武張袞先稱美逞及見禮遇甚重拜爲  
尚書任以政事錄三十六曹別給吏屬居門下省  
奚牧重厚有知謀道武寵遇之稱之曰仲尼初劉顯  
謀害道武梁眷知其謀潛使牧與穆崇至七周山以  
告帝帝以牧告顯之功拜爲治民長敷奏政事參與  
計謀

庾岳父和辰世典畜牧稍轉中部大夫昭成時氏寇



內侮多事之間牧歛畜產富擬國君劉顯謀逆道武  
外幸和辰奉獻明太后歸道武又德其資用以和辰  
為內侍長和辰分別公私舊畜頗不會旨道武繇是  
恨之岳獨恭慎脩謹善處危難之間道武善之與王  
健等俱為外朝大夫參與軍國

宋隱為尚書吏部郎道武平中山還北詔隱以本官  
輔衛王儀鎮中山尋轉行臺右丞領選如故

和跋代人世領部落為國附臣跋以才辨知名道武  
擢為外朝大夫叅軍國大謀雅有智筭頻使稱旨拜  
龍驤將軍

明元初即位以相州刺史封南平公長孫嵩山陽侯  
奚斤北新侯安同白馬侯崔寵等八人坐止車門右  
聽理萬機故世號八公

叔孫俊建之子也十五內侍明元左右以為瓜牙及  
帝即位命俊與元磨渾等拾遺左右明元以後前後  
功重軍國大計一以委之郡官上事先繇俊銓拔然  
後奏聞

古弼典西部與劉潔等分縮機要敷奏百揆  
燕鳳為黃門侍郎行臺尚書甚見禮重明元世與崔  
玄伯封懿梁越等入講經傳出議朝政



太武卽位命尉眷與散騎侍郎劉庫仁等八人分典四部縮奏機要賜爵山桑侯

眷明元時爲司衛幽州詔眷輔太武居守

劉潔典東部明元寢疾太武監國潔與古弼等選侍東宮對綜機要敷奏百揆太武卽位以告反者又獻直言所在合旨甚奇其有柱石之用委以大任及議軍國大政朝臣咸推其能

崔浩爲左光祿大夫太武從容謂浩曰卿才智淵博事朕祖考忠著三世朕以故延卿自近其思盡規諫規予弼予勿有隱懷朕雖當時遷怒若或不用久之可不深悉卿言也又勅諸尚書曰凡軍國大計卿等

所不能決皆先諮浩然後施行

張孫嵩爲太尉柱國大將軍太武每車駕征伐嵩以

元老多留鎮京師坐朝堂平斷刑獄

穆壽爲宜都王征東將軍及太武與駕征涼州命壽

輔恭宗總錄機要內外聽焉

崔徽字玄猷初爲秘書監持樂安王範鎮長安太武以範年少而三秦民夷恃險多變乃選忠清舊德之士與範俱鎮以徽爲散騎嘗侍督雍瀍梁秦四州諸軍事平西將軍副將行樂安王傳

張黎善書計初道武知待之明元器其忠亮賜爵廣



平公管綜機要太武以其功舊任以輔弼太司農卿  
軍國大議黎嘗與焉

屈垣歷官公正內外稱其平當太武信任之委以大  
正車駕出征嘗居中留鑰

文成時張白澤有孝行長而好學博通敏於當世除  
中散遷殿中曹給事中甚見寵任參與機密

李敷字景文為中散與李詠盧遐及度世等竝以聰  
敏內參機密出入詔命敷性謙恭加有文學文成寵  
遇之遷秘書下大夫典掌要切

獻文時音為建安王蠕蠕犯塞車駕親討詔音發

為選部尚書錄留臺事增兵運糧一委處分

李詠為太倉尚書寵於獻文參決軍國大議兼典選  
舉

李文時沔北既平廣陽王嘉為荊州刺史以李佐為

嘉鎮南府長史加輔國將軍別鎮新野及大軍凱旋

帝執佐手曰沔北雒陽南門鄉既為朕平之亦當為

朕善守

李冲為左僕射時孝文南伐以冲留守雒陽帝得留

臺啓知冲患狀謂右衛宋弁曰僕射執我樞衛總釐

朝務清儉居窮知寵已久朕以仁明忠雅委以台司



之寄使我出境無後顧之憂一朝忽有此患朕甚愴  
慨其相痛惜如此

韋珍爲建威將軍試守曾陽郡孝文復南伐路經塚  
郡加中壘將軍正太守塚從至濟水孝文曰朕頃戎  
車再駕卿嘗翼務中軍今日之舉亦欲與卿同行但  
三鴟嶮惡非卿無以守也因勅塚辭還

劉長猷自孝文車駕南伐旣尅宛城拜爲南陽太守  
及鑿輿將反詔長猷曰昔曹公尅荊州留滿寵於後  
朕今委卿此郡兼統戎馬非直綏安初附乃以干城  
相托特賜練二百匹

劉芳爲輔國將軍太尉長史從孝文南征宛鄧時太  
尉咸陽王禧攻南陽齊明帝將裴叔業入寇徐州疆  
場之民頗懷去就孝文憂之以芳爲散騎嘗侍國子  
祭酒徐州大中正行徐州事徙兼侍中

皮喜爲南部尚書宋葭蘆戍主楊文度遣弟鼠竊據  
仇池命喜討之喜斬文度孝文詔曰夫忠臣生於德  
義之門智勇出於將相之族往來氏羗放命侵竊邊  
戍都將皮喜梁醜奴等或資父舊勳或身建殊效威  
名著於庸漢公義列於天府故授以節鉞委闡外之  
任竝罄力盡銳克荷所司霜戈始動蟻賊奔潰仇池



旋復民夷晏安及討葭蘆又梟兇醜元惡具殲闕  
永息朕甚嘉之所陳計畧商挾利害料其應否寧邊  
益國專之可也今軍威旣振群愚懾伏革弊崇新有  
易因之勢寬猛之宜任其量處應立郡縣者亦聽銓  
置其楊文度楊鼠親屬家累部送赴臺仇池南秦之  
根本守禦資儲特須豐積險阻之要尤宜守防令姦  
覘之徒絕其僥倖勤勉戎務緩靜新俗懷民安土稱  
朕意焉

主肅初自齊歸爲輔國將軍長史詔肅討齊義陽聽  
招募壯勇以爲爪牙其勸士功賞加嘗募一等其從

肅行者六品已下俱聽先擬用然後表聞若投化之  
人聽五品已下卽優授於是假肅節行平南將軍

游明根爲散騎嘗侍帝南討詔假明根安南將軍儀  
曹尚書廣平公與梁郡王嘉參謀軍計後兖州民叛  
詔明根慰諭勅南征沔西仇城連口三道諸軍稟明  
根節度

郭祚遷散騎嘗侍仍領黃門是時孝文銳意典禮兼  
親九流又遷都草創行討不息內外規畧號爲多事  
祚與黃門宋弁參謀幃幄隨其才用各有委寄祚承  
稟註疏特成勤劇孝文賞之



宋弁為黃門侍郎時孝文征馬圈雷弁以本官兼祠部尚書攝七兵事及行執其手曰國之大事在祀與戎故令卿縮攝二曹可不自尅弁頓首辭謝勤勞王事夙夜在公恩遇之甚北流莫及名重朝野亞於李冲又云弁為散騎嘗侍尋遷右衛將軍領黃門弁疏自陳讓孝文曰吾為相加者卿亦不可有辭豈得專守一官不助朕為治且嘗侍者黃門之庶冗領軍者二衛之假攝不足空存推讓以弁大委其被知遇

此如

于烈為衛尉卿時初遷都雒陽勅留臺庶政一相參委孝文幸代執烈手曰宗廟至重翼衛不輕當祇奉靈駕時遷雒邑朕以此事相託顧不重也烈與高陽

王雍奉遷神主於雒陽帝嘉其勲誠遷光祿勳卿拜為領軍將軍從孝文征荆沔帝謂彭城王勰曰烈先朝舊德志勇兼有軍之大計宜共參決及車駕還雒論功加散騎嘗侍南齊遣其太尉陳顯達寇馬圈帝輿疾赴之執烈手曰都邑空虚維捍宜重可鎮衛二官以輯遠近之望宣武即位以于烈為嘗州刺史烈不願蕃牧頻表乞停輒優詔答弗許帝以咸陽王禧等專權潛謀廢之會二年正月初祭三公竝致齊於廟帝夜召烈子忠謂曰卿父忠允貞固社稷之臣明早入當有處分忠



冊府元龜 委任

奉詔而出質明烈至詔曰諸父慢怠漸不可任今欲使卿以兵召之卿其行乎烈對曰老臣歷奏累朝願以幹勇賜識今日之事所不敢辭乃將直閣已下六十餘人宣旨召咸陽王禧彭城王勰北海王詳衛送至於帝前諸公各稽首歸政以烈為散騎嘗侍車騎大將軍領軍進爵為侯增邑三百戶并前五百戶自是直禁中機密大事皆所參焉

崔休為尚書左丞孝文南伐以北海王詳分守休輔之詔休曰北海年少未閑政績百揆之務便以相委轉長史兼給事黃門侍郎

蠻為度支尚書時豫州民白早生殺刺史司馬悅以城入梁詔蠻討之宣武謂蠻曰知卿親老頻勞於外然忠孝不俱才宜救世不能辭也後梁武帝梁秦二州行臺夏侯道遷以漢中內附詔加蠻使持節都督征梁漢諸軍事假鎮西將軍進退徵攝得以便宜從事又詔曰蠻至彼須有板官以懷初附高下品第可依征義陽都督之格也謂征義陽將所立格也于忠為侍中領軍將軍忠面陳讓云臣無學識不堪兼文武之任宣武曰當今學識有文者不少但心直不如卿欲使卿勤勞於下我當無憂於上

冊府元龜 帝王部

卷之七十七



源懷爲車騎大將軍正始元年九月有告蠕蠕率二十萬騎六道竝進欲直趣沃野懷朔南寇嘗代宣武詔懷以本官加使持節侍中出據北蕃指授規畧隨須徵發諸所處分皆以便宜從事

王仲興爲武衛將軍咸陽王禧之出奔也當時上下惟有駭震宣帝於乾脯山遣仲興馳入金墉城安慰後與領軍於勁拜征虜將軍號參機要

孝明時李崇爲車騎將軍揚州刺史在州十年號曰臥龍敵人憚之梁武帝惡其久在河南屢設反間無所不至帝雅相委重梁武帝乃授崇車騎大將軍開

府儀同三司萬戶郡公諸子皆爲縣候欲以構崇

表言其狀帝屢賜璽書慰勉之賞賜殊異歲至三五親待無與爲比梁武每嘆服孝明之能任崇也

楊椿爲雍州刺史時蕭寶寅之敗關西陷沒孝明詔以椿爲尚書左僕射行臺節度關西諸將其統內五品已下郡縣須有補用者任卽擬授

羊深爲尚書左丞蕭寶寅反攻圍華州正平薛鳳賢等作逆孝明勅深兼給事中黃門侍郎與大行臺僕射長孫承業共會潼關規模進止事平以功賜爵新

泰男



孝莊時樊子鵠爲車騎將軍左光祿大夫假驃騎大將軍率所部爲都督時爾朱榮在晉陽京師之事子鵠頗預委寄故在臺閣征官不解出帝與齊神武構隙以直閣將軍竇熾有威重堪處牙爪之任拜閣內大都督後爲太傅旣朝之元老名望素隆至於軍國大謀嘗與參議王思政爲散騎侍郎初出帝在蕃素聞其名乃引爲賓客遇之甚厚及登大位委以心膂遷安東將軍楊寬爲黃門侍郎兼武衛將軍出帝與齊神武有隙遂召募騎勇廣增宿衛以寬爲閣內大都督專總禁

旅

後周文帝時宇文貴初從魏孝武帝西遷爲右衛貴善騎射有將帥才文帝又以宗室甚親委之

李弼爲柱國大將軍文帝西討留居守後事皆諮稟焉及晉公護執政朝之大事與子謹及弼等參議蘇綽累遷大行臺度支尚書領著作兼司農卿綽性儉素不治產業家無餘財以海內未平嘗以天下爲已任博求賢俊共弘治道凡所薦達皆至大官文帝亦推心委任而無間言帝或出游嘗預署空紙以授綽若須有處分則隨事施行及還啓而已

綽嘗謂治國之道當



州府元... 委任

愛民如慈父訓民如嚴師每與公卿議論自晝達夜事無巨細若指諸掌

長孫儉少方正有操行狀貌魁梧神彩嚴與文帝平侯莫陳悅以儉為西夏州刺史時荆襄初附太祖表儉功績尤美宜委東南之任授荊州刺史東南道行臺僕射既平江陵帝與儉書曰本圖江陵繇公畫計今果如所言智者見未萌何其妙也但吳民離散事籍招懷南服重鎮非公莫可遂令儉鎮江陵進爵昌寧軍遷大將軍移鎮荊州管五十二州

柳檜性剛簡任氣善騎射果於斷决魏大統四年從太祖戰於河橋先時有功授都督鎮鄯州八年拜河湟郡守加平東將軍時吐谷渾強盛數侵疆場自於鎮鄯州屢戰破之四十年拜撫軍將軍太祖謂檜曰卿昔在鄯州忠勇顯著今西境肅清無勞經略九曲國之東鄙當勞君守之遂令檜鎮九曲叱羅協初從竇泰戍潼關協為監軍泰死協亦見獲文帝以在關中歲久授大丞相府東閣祭酒武軍將軍銀青光祿大夫輔錄事參軍遷主簿加通直散騎嘗侍攝大行臺郎中累遷相府屬從事中郎協歷仕京鎮詳練故事又深自克厲帝頗委任之然尤以其家屬在東疑其有戀本之望及河橋戰不利協隨軍



丹州元鼎委任

而還帝知協不二封冠軍縣男邑二百戶

陳忻為顯州刺史文帝以忻威著敵境仍留靜邊弗

令之任

陸騰拜龍州刺史文帝謂騰曰今欲通江油路直出

南秦卿宜善思經略騰曰必望臨機制變未敢預陳

太祖曰此是卿取柱國之日卿其勉之即解所服金

帶賜之武成初詔徵入朝明帝面勅之曰益州險遠

非親勿居故令齊公作鎮卿之武畧已著遐

邇兵馬鎮防皆當委卿統攝於是徙隆州刺史隨憲

入蜀及趙公昭代憲復請留之保定元年遷隆州總

管領 雖任兼文武頗允時望文帝以此深委仗焉

雖任兼文武頗允時望文帝以此深委仗焉

崔彥穆清河武城人西魏末為散騎嘗侍司農卿時

君國草創衆務殷繁文帝乃引彥穆入幕府兼掌文

翰

武帝時于翼為預州總管給兵五千人馬千匹以之

鎮并配開府及儀同等二十人仍勅河陽襄州安州

荊州四州總管內有武幹者任翼徵牒不限多少儀

同以下官爵承制先授後聞帝又以翼有人倫之監

皇太子及諸王等相傳以下竝委翼選置其所擢用

皆民譽也時論僉謂得人



丹元真委任  
柳敏為大都督及尉遲迥伐蜀以敏為行軍司馬軍

中等略竝以委之益州平進驃騎大將軍開府儀同

三司

宇文孝伯為開府儀同三司右宮正武帝東討拜內

史下大夫令掌留臺事軍還帝曰居守之重無忝戰

守

功於是加授大將軍進爵廣陵郡公邑三千戶并賜  
金帛及女奴等六年復為宗師每車駕巡幸嘗令居  
儀同三司自此親遇彌重遂處腹心之任時晉公護

專政武帝密欲圖之以軌沈毅有識度堪屬以天下

大事遂問以可否軌贊成之建德初轉內史中大夫

加授開府儀同三司又拜上開府儀同三司大將軍

封上黃縣公邑一千戶軍國之政皆參預焉宣帝之征吐谷

渾令軌與宇文孝伯並從軍中進取皆委軌等帝仰成而已

尉遲運為右宮正時武帝幸雲陽宮令運以本官兼

司武與長孫鑒皇太子居守

韋壽為少御伯武帝親征高氏拜京兆尹委以後事

柳昂為大內史賜爵父城郡公致位開府當塗用事

百寮皆出其下



楊瓚為納言武帝甚親愛之平齊之役留贊居守帝謂之曰六府事殷一以相付朕將遂事東方無西顧之憂矣其見親信如此

冊府元龜

淮南李嗣京秦閱

西極文翔鳳訂正

豫章黃國琦較釋

帝王部 七十八

委任第二

隋高祖初為丞相時竇榮為左右宮伯使鎮守天臺總統露門內兩廂伏衛帝宿禁中遇尉遲迥初平朝廷頗以山東為意拜榮定為雒州總管以鎮之高祖字文忻為預州總管高祖潛龍時與忻情好甚協及



為丞相恩顧彌隆尉遲迥作亂以忻為行軍總管從  
韋孝寬擊之時兵屯河陽諸軍莫敢先進帝令高潁  
馳驛監軍與潁密謀進取者惟忻而已  
李徹字廣達高祖授禪為左武衛將軍及晉王之鎮  
并州也朝廷妙選正人有文武才幹者為之寮佐帝  
以徹前代舊臣數持軍旅詔徹總晉王軍事進爵齊  
安郡公時蜀王秀亦鎮益州帝謂侍臣曰安得文同  
王子相武如李廣達者乎其見重如此  
韋世康初仕後周為司會中大夫尉遲迥之作亂高  
祖憂之謂世康曰汾絳舊是周齊分界因此亂階恐

生搖動今以委公善為吾守因授絳州刺史以雅望  
鎮之闔境清肅開皇中為吏部尚書因侍宴再拜陳  
讓曰臣無尺寸之功位亞台鉉今犬馬齒截不益明  
時恐先朝露無以塞責願乞骸骨退避賢能帝曰朕  
夙夜庶幾求賢若渴既與公共治天下以致太平今  
之所請深乖本望縱令筋力衰謝猶屈公臥治一隅  
於是出拜荊州總管時天下唯置四大總管弇楊益  
三州竝親王臨統唯荊州委於世康時論以為美  
于仲文開皇初為行軍元帥統十二部總管帝以尚  
書文簿繁雜吏多奸計令仲文勘錄省中事其所發



摘甚多帝嘉其明斷厚加勞賞  
達奚長孺爲荊州總管三十六州軍事高祖謂之曰  
江陵要害國之南門今已委公朕無慮也  
令狐熙爲汴州刺史高祖以領南夷越數爲反亂徵  
拜柱州總管十七州諸軍事許以便宜從事刺史以  
下官得承制補授給帳內五百人賜帛五百疋發傳  
送其家  
李雄字毗盧爲鴻臚卿晉王出鎮并州以雄爲河北  
行臺兵部尚書高祖謂雄曰吾兒旣少更事未多以  
卿吾無北顧之憂矣雄頓首而言曰陛下不以臣不

肖寄臣以重任臣雖愚固心非木石謹當竭誠效命  
以答鴻恩歔歔流涕帝慰諭而遣之  
高頴平陳後以功授上柱國頴遜位高祖詔曰公識  
鑒通遠器略優深出參戎律廓清淮海入司禁旅實  
委心腹自朕受命當典機衡竭誠陳力心迹俱盡此  
則天降良輔翊贊朕躬幸無辭廢也其優獎如此未  
幾尚書都事姜曄楚州行參軍李君才竝奏稱水旱  
不調罪繇高頴請廢黜之二人俱得罪而去親禮愈  
密

王誼爲大內史時汾州嵇胡爲亂誼率兵擊之高祖



弟越王盛譙王儉雖為總管並受誼節度其見重如此

楊昇高祖用為吳州總管時煬帝為晉王鎮揚州詔令昇每歲一與王相見評論得失規諷疑關宇文述自開皇中伐陳為行軍總管陳王既擒而蕭嘽蕭巖據東吳之地擁兵拒守高祖與述詔曰公鴻勲大業名高望重奉國之誠人所知悉金陵之寇既以清蕩而吳會之地東路為遙蕭巖蕭嘽並在其處公率將戎旅撫慰彼方振揚國威宣布朝化以公明路乘勝而往風行電掃自當稽服若使干戈不用黎

庶獲安方副朕懷公之力也

煬帝大業中為左衛大將軍與蘇威等其親愛則過之

參預朝政貴重委任與蘇威等其親愛則過之

蘇威自高祖時拜開府儀同兼納言民部尚書復兼大理卿京兆尹御史大夫治書侍御史梁毗以威領五職而安繁戀劇無舉賢自代之心抗表劾威高祖曰蘇威朝夕孜孜志存遠大舉賢有關何遽迫之顧謂威曰用之則行舍之則藏惟我與爾有是夫及高祖幸并州命與高類同總留事俄追詣行在所使決

民訟後為左光祿大夫

煬帝即位以威先朝舊臣漸加委任後歲餘復為納言與

左胡衛大將軍宇文述黃門侍郎裴矩御史大夫裴蘊內史侍郎虞世基參掌朝政時人稱為五貴



冊府元龜 委任二 卷之七十八

煬帝即位數月拜伊州刺史楊約為內史令約有學術兼達時務帝甚任之後數載加官右光祿大夫吐萬緒自高祖時為夏州總管煬帝之在藩也頗見親遇及為太子引為右虞侯率及帝嗣位漢王諒時鎮并州帝恐其為變拜晉絳二州刺史

王辯為武賁郎將及山東盜賊起上谷魏刀兒自號歷山飛眾十餘萬劫掠燕趙煬帝引辯昇御榻問以方畧辯論取賊形勢帝稱善曰誠如此計賊何足憂也於是發從行卒步騎三千擊敗之賜黃金二百兩長孫晟為上開府儀同三司安撫突厥還遇煬帝即

位帝引晟於大行前委以內衙宿衛知門禁事即日拜左領軍

元文都大業中為大府卿帝漸任之甚有當時之譽柳肅為工部侍郎大見煬帝親任每幸行遼東嘗委之於涿郡留守

獨孤楷為并州總管遇疾喪明上表乞骸骨帝曰先朝舊臣歷職二代高風素望臥以鎮之無勞躬親簿領也遣其長子凌雲監省郡事其見重如此

樊子蓋為涼州刺史兼武威太守大業三年入朝帝引之內殿特蒙褒美五年煬帝西巡詔加子蓋右光



祿大夫子蓋表自陳曰臣自南裔卽適西垂嘗爲外  
臣未居內職不得陪屬車奉丹陛溘死邊城沒有遺  
恨唯陛下察之帝曰公侍朕則一人而已委以西方  
則萬人之敵宜識此心六年朝於江都宮還除民部  
尚書時處羅可汗及高昌王款塞復以子蓋檢較武  
威太守應接二蕃後帝幸遼東子蓋爲東都留守車  
馬至高陽追詣行在所旣而引見帝顧謂子蓋曰朕  
遣越王留守東都示以皇杖盤石社稷大事終以委  
公特宜持重戈甲五百人而後出不亦勇夫重閉之  
義也無賴不軌者便誅鋤之凡可施行無勞形迹今

造玉麟符以代銅獸又指越代二王曰今二孫委公  
與衛文昇耳宣選身良宿德有方幅者教習之動靜  
之節宜思其可於是賜以良田甲第  
衛玄爲刑部尚書大業九年煬帝幸遼東使玄與代  
王侑留守京師拜爲京兆內史尚書如故許以便宜  
從事勅代王侑待以師傅之禮會楊玄感圍逼東都  
玄率步騎七萬與宇文述等擊破之還鎮京師帝謂  
之曰關右之任一委於公公安社稷乃安公危社稷  
亦危出入須有兵衛坐臥常宐自牢勇夫重閉此其  
義也今特給千兵以充侍從賜以玉麟符玄自以年



老上表乞骸骨帝使內史舍人封德彝馳諭之曰京師國本王業所基宗廟園陵所在藉公耆舊臥以鎮之朕為國計義無相許故遣德彝口陳指意玄乃止唐高祖武德元年以蕭瑀為中書令時軍國草創方隅未寧高祖雅相禮重委以心腹凡諸政事瑀悉關掌內外諮稟日有千數陳奏便宜多見允納高祖每臨軒聽政嘗引瑀賜升御榻而坐與言呼之為蕭郎國典朝儀亦責成於瑀太宗入纂春宮以瑀為太子太保太宗之伐遼東也以雒邑衛要襟帶關河以瑀為雒陽官留守寶誕為太嘗卿加上柱國高祖諸少子趙王元景等

未出宮者十餘年所有國司家產之事悉宜誕檢較焉

韋仁壽為南寧州都督入朝貢方物高祖大悅仁壽復請徙居南寧以兵鎮守有詔特聽以便宜從事令益州給兵送之補日知今計職職不計也段德操為左武衛將軍延州總管徵令入朝賞勞甚厚及建成北討高祖問其方略又勞之曰今者之行以公為北道主人勉其經略以就功名也

太宗時李勣為并州大都督府長史在并州凡十六年令行禁止號為稱職帝謂侍臣曰隋煬帝不能精



選賢良安撫邊境唯築長城以備突厥情識之惑一  
至於此朕今委任李勣於并州遂使突厥畏威遁走  
塞垣安靜豈不勝遠築長城耶  
盧承慶爲民部侍郎太宗令承慶兼檢較兵部侍郎  
仍知五品選事承慶辭曰選事職在尚書臣今掌之  
便是越局帝不許曰朕今信卿卿何不自信也  
楊公仁爲特進貞觀八年十一月改恭仁行雒州都  
督太宗謂之曰雒陽要重右難其任朕之子弟多恐  
非所任特以委公也

劉蘭貞觀十二年爲右領將軍及太宗行幸雒陽以

蜀王愔爲夏州都督又以蘭爲長史愔下之藩而蘭  
總其事封平原郡公尋領簡較代州都督將軍如故  
高士廉爲尚書右僕射貞觀十五年駕幸洛陽庶人  
承乾監國士廉攝太子少師太宗手詔士廉曰端拱  
三州不憂關中者唯卿是屬蕭何之鎮寄情非淺後  
加開府儀同三司平章政事車駕問罪遼陽皇太子  
於定州監國以士廉攝太子太傅仍典朝政璽書勞  
問不絕  
房玄齡爲司空太傅知門下省事及太宗親幸遼東  
以玄齡爲京城留守降手詔曰公當蕭何之任朕無



西顧之憂矣軍戎器械戰士糧廩竝委玄齡處分發遣在路表奏相望每上言敵不可輕尤宜戒慎

實靖鎮夏州時擒頡利處其部衆於河南靖以爲不便上封事諫之雖未從之太宗嘉其忠睿答以優詔曰北方之務悉以相委以卿爲寧朔大使撫鎮華戎朕無北顧之憂矣

李大亮爲左衛大將軍高宗居春坊以大亮兼領太子右衛率儀兼工部尚書身居三職宿衛兩營太宗每出巡幸多令大亮居守

韋挺爲太常卿父冲在隋嘗爲營州總管有經略高麗遺文會太宗將伐遼東挺以聞奏太宗甚悅遂令挺先運軍糧河北諸州皆取挺節度仍許以便宜行事帝親解貂裘及內廐馬二疋賜之群公祖道朝野以爲榮

楊弘禮爲中書舍人太宗有事遼東以弘禮有文武材擢拜兵部侍郎專典兵機之務時諸宰相并定州留輔太子唯有褚遂良許敬宗及弘禮在行所掌知機務

姜確貞觀中拜宣威將軍守屯衛將軍攝將作如故確性恭勤雖祁寒暑雨未嘗暫懈太宗以是益任使



高宗時張行成爲尚書右僕射加授太子少傅因旱杭表請致仕高宗手詔不許仍賜以宮女黃金器物行成又固請乞骸骨帝曰公我之故舊腹心奈何舍我而去因愴然流涕行成不得已復起視事

張文瓘爲侍中性嚴正諸司奏議多所糾劾高宗甚親委之或時臥疾在家朝廷每有大事帝必問諸宰者皆報可

臣與文瓘議未奏云未議者則遣其籌之奏云已議者皆報可

李晦爲雍州長史高宗幸維陽以晦爲京師留守臨行帝謂晦曰關中之事一以付卿但法律踴之不可以成官政令式之外有異績利於人者隨事卽行不須聞奏

劉仁軌爲太子太傅同中書門下三品高宗幸東都皇太子京師監國遣仁軌及與侍中裴炎中書令薛元超留輔太子二年赴東都又令太孫重炤京師留守仍令仁軌爲副弘道元年復拜尚書左僕射同中



書門下三品文明元年太孫被廢特令仁軌專知留守事仍與仁軌書曰昔漢以關中之事專仗蕭何今者托公亦猶於古所希耆德敬勗廼誠

薛元超爲中書令兼太子左庶子高宗幸東都太子於京師監國因留元超以侍太子帝臨行謂元超曰朕之留卿如去一臂但吾子未閑庶務關西之事悉以委卿所寄旣深不得不然也

裴炎爲侍中高宗幸雒陽令炎留輔太子兼知禮部尚書事

薛仁貴爲吐蕃所敗坐除名尋而高麗餘衆相率復叛詔起仁貴爲鷄林道總管以經略之上元中坐事徙象州會赦歸高宗思其功尋復召見謂曰往九成宮遭水無卿已爲魚矣卿又北伐九姓東擊高麗漠北遼東咸尊聲教者竝卿之力也卿雖有過豈可相忘有人言卿烏海城下故不擊賊致使失利朕所恨之唯此事耳今西邊不靜爪沙路絕豈可高枕卿亦不爲朕指擣耶於是授爪州長史

中宗時魏元忠爲侍中檢較兵部尚書中宗居諒闇多不視事軍國大政獨委元忠者數月

玄宗時薛納爲隴右防禦使開元二年賜納旌節勅



王駿臧懷亮王海賓楊楚客等並受納節度防禦吐蕃如臨時進退致失權宜便以軍法從事四年以納攝御史大夫持節朔方軍大總管討叛如軍將等臨敵有不用命便以軍法從事

李光爲太原尹兼太原及北軍州節度使開元十七年正月光表請入朝帝降書曰朔川兵馬飛狐要害委卿經略隨事防虞比來東夷頗盡誠款如聞突厥嘗欲侵漁部落漸移向東固亦須有備預野營間團練今正其時卿若入朝誰當處置宜識此意且未須來

肅宗時房琯爲吏部尚書平章事先是至德元年九月皇上遣瑄等奏皇帝册書至順化郡肅宗以琯素有重名虚心待之琯亦以天下之務爲已任有諫事者獨決之諸宰皆避位莫敢言

郭子儀爲司空至德初廣平王爲元帥統大將軍東征以子儀爲副實總軍政後子儀爲司徒中書令充朔方邠寧鄜坊等道節度肅宗以子儀久爲大將得士卒心命鎮絳州詔授朔方河中北庭潞澤州節度行營兵馬副元帥時肅宗不康引子儀入臥內以河東之事委之子儀流涕哽



咽受命而去

代宗初僕固懷恩為工部尚書帝思清河隴以懷恩  
曉知邊事俾充隴右節度使未行議東征殘寇又改  
靈州大都護充朔方行營節度使封大寧郡王兼絳  
州刺史大夫工部尚書如舊尋遷同中書門下平章  
事時迴紇可汗親率甲兵求自效迴紇可敦懷恩之  
女也以是猶委任之

馬璘為四鎮北庭行營以及邠寧節使代宗以犬戎  
寢驕歲犯郊境涇州最邊戎寇乃詔璘移鎮涇州為  
涇源節度使涇州刺史四鎮北庭行營節度使如故

復以鄭穎二州隸之

辛雲京為代原節度使代宗以北門委之及薨追悼  
發哀為之流涕

李抱玉為鳳翔節度使時吐蕃每歲犯境代宗以岐  
山下國之西門寄在抱玉恩寵無比遷司中書門下  
平章事又兼山南西道節度使河西隴右山南西道  
中書門下平章事連統三道節度制兼領鳳翔路梁  
三太府秩處三公

張光晟為單于都護兼御史中丞振武軍使代宗密  
謂之曰北蕃縱橫日久當思所禦之計光晟既受命



至鎮威令甚行  
委任二

李勉為滑毫等州觀察使永平軍節度等使代宗以  
勉兼汴州刺史充汴宋等八州節度觀察留後時以  
汴州節度都虞侯李靈耀擅弒兵馬使濮州刺史孟  
鑿潛結田承嗣為援故有是命  
德宗時崔祐甫代常袞為門下侍郎平章事尋轉中  
書侍郎脩國史仍平章事帝初即位庶務皆委宰臣  
祐甫染疾擢入中書臥而承旨或休假在第每除拜  
大命必密咨以決焉  
李興翰為鹽州兵馬使貞元十九年以為鹽州刺史

保塞軍使左神策行營兵馬使其劔南東川西川兵  
在州者皆俾興翰主焉鹽州軍使便宜得專達於上  
鹽州自此不隸夏州  
憲宗時高崇文為神策行營節度使憲宗元和元年  
劔南西川劉闢反憲宗命崇文討闢詔應赴西川應  
援將士等並取高崇文處分  
杜佑為司徒同平章事歲餘請致仕憲宗以佑筋力  
未衰面令自今已後每日依往例入朝視事  
田弘正為魏博節度使同平章事元和十四年制受  
檢較司徒兼侍中依前魏州大都督府長史充魏博



等州節度使始弘正入覲乞遂留闕下表凡三入帝謂之曰昨韓弘至朝稱疾懇辭戎務朕不得不從今卿復請留止意誠可尚然魏士樂卿之政隣境服卿之威爲我長城不可辭也乃還鎮

穆宗長慶二年四月裴度自河東節度除東都留守至闕除淮南節度初度發太原中途得朱克融王庭奏復書皆許退兵度不敢發以其書奏穆宗喜因遣使宣慰克融并廷奏入深州取牛元翼又令先於途中命度更發書與廷奏度書因言朝謝後卽歸守留務中使見書慮廷奏知度東歸無兵權卽背前約遽請度易其卽歸之辭并上其書草穆宗方憂深州之圍得度前後書喜甚及度至又自有以悟帝恩待益至故復得兵符

敬宗寶曆元年四月以前神策軍大將軍知軍事兼御史大夫康志睦爲檢較工部尚書兼青州刺史御史大夫克平盧軍節度淄青等州觀察使志睦父日知與元初爲趙州刺史時成德軍節度使李寶臣死其子惟岳不朝命日知帥麾下蕃漢步騎二千人自趙歸闕德宗深嘉之歷授官秩至晉慈隰等州節度使睦以父勲於將爲神策累遷本軍大將軍至是帝



以修謹可委又本忠臣子弟特授此鎮然制下後人情甚不協諫官繼有章疏帝竟不爲之止及在鎮頗有理聲

後唐莊宗以郭崇韜爲樞密使侍中兼修國史時宦官所惡帝甚不平及客省使李嚴自蜀使迴且言王衍政荒民怨人不爲使可以鼓行平定其致書侮嫚帝心怒之下詔諸蕃和而戰馬選練兵甲議擇將帥明宗爲天下兵馬總管典兵柄廷議當委西征崇韜自以位重勢危將立功以制閹監乃密奏曰契丹侵軼比而須藉大臣全倚總管鎮禦燕趙臣伏念興聖

宮使地當儲副未立殊功宜依本朝故事以親王爲元帥付以討伐之權示威名於天下帝方愛繼岌卽曰小子蒙幼安能獨行卿當爲予擇其副貳崇韜未奏帝曰朕熟思之無踰於卿是日以繼岌爲西南面行營都統以崇韜爲諸道兵馬招討使部駕下諸軍六萬發雒陽軍將發帝御嘉慶殿置酒宴西征諸將舉酒囑崇韜曰繼岌小子未習軍機唯卿久從吾征伐兵家變略事之得失屬之於卿無累小子崇韜謝之而發

安元信從莊宗定魏博元城之戰尅捷若多移爲博



州刺史與梁軍封壘得勝遷元信爲右廂排陣使王處直引契丹背盟北邊倣擾以元信久在邊用爲大將軍節度使  
袁建豐爲內衙副指揮使時北討劉守光建豐常先士卒轉都教練使權蕃漢總管莊宗入鄴以心腹幹能選爲魏府都巡檢使

明宗時安重誨爲樞密使三上表乞解機務詔不允復面奏乞與臣一鎮以息謗議明宗不悅重誨奏不巳明宗怒謂曰放卿出朕自有人卽令武德使孟漢瓊至中書與宰臣商量重誨事馮道言曰諸人苟惜

安令解樞務爲便趙鳳曰大臣豈可輕動公失言也道等因附漢瓊奏曰此斷自宸旨然重臣不可輕議移改繇是兼命范延光爲樞密使重誨如故

范延光爲樞密使上表陳情乞解樞務優詔不允令皇城使翟光鄴宣旨云卿避重難則便矣誰當荷重難者勿復興言要遂陳請十年爲予致太平後卽允卿辭避帝御中興殿延光稱疾甚上表陳情帝謂樞密使趙延壽曰延光又貢章疏懇求退避其意如何莫是朕之失德不可扶持否延壽曰延光位高責重畏懼滿盈所以求退與舊臣迭處祇如臣素無才術



因緣戚屬冒昧渥恩自掌樞密嘗多憂惕所希舊臣  
迭處然後乞在散班不謂延光先有陳情延光之心  
臣知之矣固不願遠違宸宸須避樞機但以此職望  
重責深動貽官謗向來處者罕有保全所謂人之所  
畏不可不畏帝曰卿言是也然家國之事仗卿等披  
榛故人總欲捨予予誰共治卿見延光道予此語勉  
就公參又令中使楊敬達就延光第宣旨延光又上  
第三章陳乞優答不允

朱弘昭爲山南東道節度使長興四年九月詔爲檢  
校太尉同中書門下平章事充樞密使制下弘昭面

誅曰臣廝養之才智謀極短遇陛下興運驟至方鎮  
嘗懼不任况內秉大權必孤獎擢伏乞別選才能上  
叱之曰公輩皆欲去朕左右怕在眼前養爾輩何爲  
弘昭退謝不敢復言

符彥超爲汾州刺史同光末爲魏州軍亂天下騷動  
詔彥超北京巡檢朝廷先令內養呂鄭二人監兵及  
倉庫明宗入維皇弟存詔單騎入河東與呂鄭謀殺  
彥超張憲據城自衛彥超知之彥超部下殺呂鄭存  
詔於衙城明宗又令其弟龍武都虞侯彥卿來安撫  
遂請彥超入朝自雪六月彥超入覲明宗便殿召見



撫諭曰河東無事賴爾盡心也翌日授建雄軍留後  
未行屬弟曹州刺史彥饒殺宣武亂軍安輯汴州明  
宗甚喜召彥超曰吾與爾父爲先朝立社稷我於倉  
皇中軍民推戴又得爾兄弟氣力我更何憂却爲我  
往河東無育耆舊授檢校司徒北京留守太原尹  
閔帝時宋令詢自帝在藩時補爲客將知書樂善動  
皆錄禮長與中閔帝連殿大藩遷爲都押牙參輔閔  
政甚有時譽閔帝深委之

未帝時符彥饒清泰初以右千牛衛上將軍充左右  
嚴衛都指揮使彥饒舊與禁軍明宗朝立定亂之功  
今春以伯氏安州不治而入宿衛帝游舊也故復委  
任之

安叔千新授振武節度使賜赴鎮帝面諭狂虜侵寇  
以爾知虜情狀所以委任賜戎服金帶銀器其牙兵  
賜物有差又賜茶五百斤馬五十匹

漢高祖時楊邠爲樞密使上章以樞密萬機平章四  
輔官要事重心力不堪乞解樞密冀逃咎悔帝命中  
使宣諭邠曰樞機之職捨卿用誰忽有此章莫有人  
離間卿否宣次宣徽北院使吳虔裕在傍颺言曰樞  
密重地難以久處俾後來者迭居相公辭讓是也宣



冊府元龜 委任二

使還具言虔裕道此即日出虔裕為鄭州防禦使  
周世宗顯德四年冬再幸淮甸命樞密使王朴兼東  
京留守京邑庶務悉以便宜制之比及入蹕都下肅  
如也

冊府元龜

淮南李嗣京參閱  
西極文翔鳳訂正  
豫章黃國琦較釋  
帝王部 比十九  
慶賜 類以部慈訓於以宣惠中  
公羊傳云觸石而出膚寸而合不崇朝而雨天下者  
其泰山之雲乎夫王者渙然出令沛然施恩浹洽於  
四方涵濡於萬物其為大也豈直斯乎禮云立春之  
日賞公卿諸侯大夫於朝行慶施惠下及兆民季春

冊府元龜 帝王部 卷之七十九



之月布德行惠命有司發倉廩賜貧窮振乏絕開府  
庫出幣帛周天下勉諸侯立夏之日乃行慶賜無不  
欣悅書云大賚於四海而萬姓悅服又云一人有慶  
兆民賴之詩云蓼蕭澤及四海也此皆經義之著明  
者焉至若合釀以昭慈哺飲以宣惠牛酒穀帛以振  
孤窮賜爵板授以寵耆老蓋班玉澤和人心表治道  
之隆平示生民之愷樂者也然則古人有言羔豚而  
祭百官皆足太牢而祭不必有餘取其平施之義耳  
周武王克殷散鹿臺之財發鉅橋之粟大賚於四海  
萬姓悅服

漢高祖為漢王二年二月賜民爵爵者祿位民爵賜有罪得以減也

五年五月詔曰軍吏卒會赦其亡罪而亡爵及不滿

大夫者皆賜爵為大夫故大夫以上賜爵各一級其

七大夫以上皆令食邑非七大夫以下皆復其身及

戶物事復其身及一戶之內皆不徭賦也

惠帝即位賜民爵一級中郎郎中滿六歲爵三級四

歲二級中郎省中郎也外郎滿六歲二級外郎散郎也中郎不滿

一歲一級外郎不滿二歲賜錢萬謂作郎未經一歲二歲耳宦官

尚食比郎中宦官閣寺也尚主也舊有五尚尚冠尚

也漢儀注省中有五尚而內官婦人有諸尚謁者執楯執戟武士騶比外



郎 執楯執戟親近陛衛也武士力士也高祖使武士  
縛韓信是也騶騎也本廐之御者從又為騎因謂  
騎 太子御驂乘賜爵五大夫舍人滿五歲二級 武士  
上皆舊侍從天子之人也 賜給喪事者二千石錢二  
公人以上天子之官屬

萬六百石以上萬五百石二百石以下至左史五千  
律有斗室左吏若今曹吏書佐也自五百以下至  
于左史皆賜五十今又言二百石者審備其等也 視  
作斥上者將軍四十金 斥上曠上也斥開也開土地  
四十斤金也近上二千石賜錢二萬此言四十金實  
金也下凡言黃金真金也不言黃謂錢也食貨志黃  
金一斤直萬錢諸賜言黃金者皆 二千石二千金六  
與之金不言黃者一金與萬錢也

百石以上六金五百石以下至左史二金減田租後  
十五稅一 漢家初十五歲一儉于國十稅一也中間  
廢金復之一云秦作阿房之宮收大半之

元年十二月賜民爵一級  
五年九月長安城成賜民爵一級

文帝即位下詔曰丞相太尉御史大夫間者諸呂用  
事擅權謀為大逆欲危劉氏宗廟賴將相大臣列侯  
宗室誅之皆狀其辜朕初即位其赦天下賜民爵一

級女子百戶牛酒 男賜爵女子賜羊酒賜爵者一家  
子率百戶共得牛若干 長得之也女子謂賜爵者之妻  
頭酒若干石無定數也 酺五日 漢律三人已上無故  
詔橫賜得令聚會飲食五日酺布也言天子布恩  
于天下史記趙惠文王三年大赦置酒大酺五日

景帝元年四月赦天下賜民爵一級

冊府元龜 帝王部 卷之七十九 三



二年十二月立皇子端為膠西王勝為中山王賜民爵一級四年六月赦天下賜民爵一級

七年二月丁巳立膠東王徹為皇太子賜民爵一級

中元元年夏四月大赦天下賜民爵一級

五年六月大赦天下賜民爵一級

後元元年三月大赦天下賜民爵一級中二千石諸侯相爵右庶長夏大酺

三年正月皇太子冠賜民為父後者爵一級

武帝建元元年二月赦天下賜民爵一級年八十復

二算二算後二口之算也復甲卒不豫革車之賦也

元光元年四月赦天下賜民長子爵一級

一年九月令民大酺五日

元朔三年秋令民大酺五日

元狩元年四月丁卯立皇太子賜中二千石爵右庶

長民為父後者一級又詔曰朕嘉孝悌力田衰大老

耗孤寡鰥獨或置於衣食甚憐愍焉其遣謁者巡行

天下存問致賜曰皇帝使謁者賜縣三老孝者帛人

五匹鄉三老弟者力田帛人三匹年九十以上及鰥

寡孤獨帛人二匹絮三斤八十以上米人三石有寬

失職使者以聞縣鄉即賜毋贅聚贅會也各遣就所居處賜之勿會聚



丹元鼎慶賜  
卷之七十九

六年十月賜丞相以下至吏二千石百金千石以下

至乘從者帛乘騎諸從者也蠻夷錦各有差

元鼎元年夏五月赦天下大酺五日

四年十月行幸雍五時賜民爵一級百戶牛酒

元封元年四月上登封太山還詔曰其以十月為元

封元年行所巡至博奉高蛇丘歷城梁父民田租逋

賦貸已除加年七十以上孤寡帛人二匹四縣無出

今年筭賜天下民爵一級女子百戶牛酒自博至梁父凡五縣

今云四縣毋出美者高奉一縣素以供神非筭限也

二年四月上祠太山塞決河還赦所過徒賜孤獨高

年米人四石六月其泉官生芝九莖賜雲陽都百戶

牛酒都謂縣之所居在官側者且賜不徧其境內故止稱其都非謂天子之都也

五年夏四月詔曰朕巡荆楊輯江淮物會大海氣以

合泰山輯合也物神也會合海神之氣合致于泰山然後修封總祭嚮也上天見象

增修封禪其赦天下所幸縣無出今年租賦賜鰥寡

孤獨帛貧窮者粟

六年三月祠后土賜天下貧民布帛人一匹

太初二年三月行幸河東祠后土令天下酺五日

太始三年春正月行幸其泉二月幸東海登之罘浮

大海冬賜所過戶五千錢鰥寡孤獨帛人一匹



九月元鼎慶賜  
卷之七十九

二月令天下大酺五日

昭帝始元元年春二月黃鵠下建章宮太液池中公

卿上壽賜諸侯宗室金錢各有差

七月赦天下賜民百戶牛酒

四年六月皇后見高廟賜長公主丞相將軍列侯中

二千石以下及郎吏宗室錢帛各有差徙三輔富人

雲陵賜錢戶十萬

五年六月賜中二千石以下至吏民爵各有差

元鳳二年夏四月上自建章宮徙未央宮大置酒賜

郎從官帛及宗室子錢人二十萬吏民獻牛酒者賜

帛人一匹

四年正月丁亥帝加元服見於高廟賜諸侯王丞相

大將軍列侯宗室下至吏民金帛牛酒各有差賜中

二千石以下及天下民爵母收四年五年日賦三年

以前逋更賦未入者皆勿收賜天下酺五日

宣帝元年七月卽位十一月壬子立皇后許氏賜諸

侯王以下金錢至吏民鰥寡孤獨各有差

本始元年五月鳳凰集膠東千乘赦天下賜吏二千

石諸侯相下至中都官宦吏六百石爵各有差自左

史至五大夫賜天下人爵一級孝者二級女子百戶



牛酒租稅勿收

二年六月尊武帝廟爲世宗廟賜民爵一級女子百

戶牛酒

四年三月乙卯立皇后霍氏賜丞相以下至都郎吏

從官金錢帛各有差赦天下

地節三年四月戊申立皇太子大赦天下賜御史大

夫爵關內侯中二千石爵右庶長天下當爲父後者

爵一級賜廣陵王黃金千斤諸侯王十五人黃金各

百斤列侯在國者八十七人黃金各人二十斤

元康元年三月詔曰廼者鳳凰集太山陳留甘露降

未央宮朕未能章先帝休烈協寧百姓承天順地調

序四時獲蒙嘉瑞賜茲祉福夙夜兢兢靡有驕色內

省匪懈永惟罔極書不云乎鳳凰來儀庶尹允諧其

赦天下徒賜勤事吏中二千石以下至六百石爵自

中郎吏至五大夫佐史以上二級民一級女子百戶

牛酒加賜鰥寡孤獨三老孝弟力田帛所賑貸勿收

二年二月乙丑立皇后王氏賜丞相以下至郎從官

錢帛各有差三月以鳳凰甘露降集賜天下吏爵二

級民一級女子百戶牛酒鰥寡孤獨高年帛

三年春以神雀數集泰山賜諸侯王丞相將軍列侯



二千石金郎從官帛各有差賜天下吏爵二級民一級女子百戶牛酒鰥寡孤獨高年帛

四年三月詔曰迺者神雀五采以萬數集長樂未央北宮高寢甘泉泰畤殿中及上林苑朕之不逮寡於德厚屢獲嘉祥非朕之任其賜天下吏爵二級民一級女子百戶牛酒加賜三老孝弟力田帛人二匹鰥寡孤獨各一匹

神爵元年三月行幸河東祠后土詔曰朕承宗廟戰戰栗栗惟萬事統統緒也未燭厥理迺元康四年嘉穀

玄稷降於郡國神爵仍集金芝九莖產於承德殿銅

池中允真獻奇獸南郡獲白虎威鳳為寶朕之不明

震於珍物

獲珍物而心驚動也

備躬齋精祈為百姓東濟大河

天氣清淨神魚舞河幸萬歲宮神雀翔集朕之不德懼不能任其以五年為神雀元年賜天下勤事吏爵二級民一級女子百戶牛酒鰥寡孤獨高年帛所賑貸物勿收行所過毋出田租

四年二月詔曰迺者鳳凰甘露降集京師嘉瑞並見修興泰一五帝后土之祠祈為百姓蒙祉福鸞鳳萬舉蜚覽翺翔集止於旁齋戒之暮神光顯著薦鬯之夕神光交錯或降于天或登於地或從四方來集於



壇上帝嘉嚮海內承福其赦天下賜民爵一級女子百戶牛酒鰥寡孤獨高年帛

五鳳元年正月皇太子冠皇太后賜丞相將軍列侯中二千石帛人百匹大夫夫人八十匹夫人六十疋又賜列侯嗣子爵五大夫男子為父後者爵一級

三年三月詔曰往者匈奴數為邊寇百姓被其害朕承至尊未能綏安匈奴虛聞權渠單于請求和親病死右王屠耆堂代立骨肉大臣立虛聞權渠單于為呼韓邪單于擊殺屠耆堂諸王並自立分為五單于更相攻擊死者以萬數畜產大耗十八九人民饑

餓相燔燒以求食因大垂亂單于闕氏闕氏音馬支子孫

昆弟及呼邀累單于各王右伊秩訾且渠當戶以下

伊秩訾且渠當戶皆匈奴官號也訾音于移切且音子余切將眾五萬餘人求降

歸義單于稱臣使弟奉琮朝賀正月北邊晏安靡有兵革之事朕飭躬齋戒郊上帝祠后土神光並見或

興於谷燭燿齋宮十有餘刻甘露降神雀集已詔有司告祠上帝宗廟三月辛丑日鸞鳳又集長樂宮東

闕中樹上門外闕內行馬之裏樹飛下止地文章五色留十余

刻吏民並觀朕之不敏懼不能任婁蒙嘉瑞婁古獲字茲祉福書不云乎雖休勿休祇事不怠公卿大夫其



最哉減天下口錢赦殊死以下賜民爵一級女子百戶牛酒大舖五日加賜鰥寡孤獨高年者帛

甘露二年詔曰迺者鳳凰甘露降集黃龍登輿醴泉滂流枯槁榮茂神光竝見咸受禎祥其赦天下減民

筭三年一筭減錢三十也賜諸侯王丞相將軍列侯中二千

石金錢各有差賜民爵一級女子百戶牛酒鰥寡孤獨高年帛

三年二月詔曰迺者鳳凰集新蔡群鳥四面行列皆鄉鳳凰立以萬數其賜汝南太守帛百匹新蔡長吏

三老孝弟力田鰥寡孤獨各有差賜民爵二級母出

今年租

元帝初元元年四月賜宗室有屬籍者馬一匹至

駟二駟八疋三老孝者帛五匹弟者力田三疋鰥寡孤獨

二匹吏民五十戶牛酒五大夫世吏二

二年正月行幸甘泉郊泰畤賜雲陽民爵一級女子

百戶牛酒四月丁巳立皇太子賜御史大夫爵關內

侯中二千石左庶長天下當為父後者爵一級列侯

錢各二十萬五大夫十萬四大夫

四年正月行幸甘泉郊泰畤三月行幸河東祀后土

赦汾陰徒賜民爵一級女子百戶牛酒鰥寡孤獨高



年帛行所過無出租賦

五年四月賜宗室有屬籍者馬一匹至三駟三老孝

者帛人五匹弟者力田三匹鰥寡孤獨二匹吏民五

十匹牛酒

永光二年正月行幸甘泉郊泰畤赦雲陽徒賜民爵

一級女子百戶牛酒高年帛行所過毋出租稅

三月賜吏六百石以上爵五大夫勤事吏二級民一

級女子百戶牛酒鰥寡孤獨高年帛

二年二月賜民爵一級女子百戶牛酒鰥寡孤獨高

年三老孝弟力田帛又賜諸侯王公主列侯黃金中

二十石以下至中都官長吏各有差吏六百石以上

爵五大夫勤事吏各二級

建昭五年二月賜民爵一級女子百戶牛酒三老孝

弟力田帛

竟寧元年正月皇太子冠賜列侯嗣子爵五大夫天

下為父後者爵一級

成帝建始元年二月賜諸侯王丞相將軍列侯王太

后公主王主

天子女曰公主秩比公也王主諸侯王

公主者父

自王婚也 吏二千石黃金宗室諸官吏千石以下至

二百石及宗室子有屬籍者三老孝弟力田鰥寡孤



冊府元龜 卷之二十一 帝王部 十一

獨錢帛各有差賜吏民五十戶牛酒

三年春三月赦天下徒孝弟力田爵二級

河平四年正月匈奴單于來朝赦天下徒賜孝弟力

田爵二級

鴻嘉元年二月賜天下民爵一級女子百戶牛酒加

賜鰥寡孤獨高年帛

孝始四年正月行幸甘泉賜雲陽吏民爵女子百戶

賜鰥寡孤獨高年帛

三月行幸河東祀后土賜吏民如雲陽行所過無出

冊府元龜

元延四年三月甘露降京師賜長安民牛酒

哀帝以綏和二年四月丙午即位大赦天下賜宗室

王子有屬者屬謂親未盡尚有服者各馬一駒吏民爵百戶牛

酒三老孝弟力田鰥寡孤獨帛

建平元年三月賜諸侯王公列侯丞相將軍中二千

石中都官郎吏金錢帛各有差

四年五月賜中二千石至六百石及天下男子爵

平帝元始元年春正月賜天下民爵一級吏在位二

百石以上一切秩滿如真時諸官有試守者特加非常之恩令如真耳又

賜初徵即位所過縣邑吏二千石以下至佐史爵各

冊府元龜 帝王部 卷之二十一 十一



有差

四年二月賜九卿以下至六百石宗室有屬籍者爵自五大夫以上各有差賜天下民爵一級鰥寡孤獨高年帛

後漢光武建武二年立貴人郭氏為皇后子彊為皇

太子大赦增郎謁者從官秩各一等

十九年九月南巡狩幸汝南南頓縣舍置酒會賜吏

人後南頓田租歲

歲也

二十九年二月賜天下男子爵人二級

三十年四月賜天下男子爵人二級

三十一年賜天下男子爵人二級

明帝以中元二年二月即位四月丙辰詔曰予末小子奉承聖業夙夜震畏不敢荒寧先帝受命中興德

侔帝王協和萬邦格於上下懷柔百神惠於鰥寡朕承大運繼體守文不知稼穡之艱難懼有廢失聖恩

遺戒顧重天下以元元為首公卿百僚將何以輔朕不逮其賜天下男子爵人二級三老孝弟力田人三

級爵過公乘得移與子若同產子及流人無名數欲自占者人一級鰥寡孤獨篤癯粟人十斛其弛刑及

郡國從在中元元年四月己卯赦前所犯而後捕繫



者悉免其刑又邊人遭亂爲內郡人妻在巳卯赦前  
一切遣還邊恣其所樂中二千石下至黃綬貶秩贖  
論者悉皆復秩還贖

永平二年十月行養老禮畢詔曰光武皇帝建三朝  
之禮而未及臨饗眇眇小子屬當聖業間暮春吉辰  
和行大射令月元日復踐辟雍尊事三老兄事五更  
六車輓輪供綏執授侯王設醬公卿饌陳朕親祖割  
執爵而酬祝哽在前祝噎在後升歌鹿鳴下管新宮  
朕同薄德曷以克當易陳負乘詩刺彼已永念慙疚  
無忘厥心三老李躬年耆學明五更桓榮授朕尚書

詩曰無德不報無言不酬其賜榮爵闕內侯食邑五  
千戶三老五更皆以二千石祿終厥身其賜天下  
老酒人一石肉四十斤有司其存耆耄恤幼孤惠鰥  
寡稱朕意焉

十一月帝幸河東所過賜二千石令長史以下至於  
掾史各有差

二年二月立貴人馬氏爲皇后子烜爲皇太子賜天  
下男子爵人二級三老孝弟力田人三級流人無名  
數欲占者人一級鰥寡孤獨篤疾貧不能自存者粟  
人五斛



四年二月詔京師冬無宿雪春不煥沐煥煥也音下六反沐濯澤也音木暗煩勞群司積精禱求而比再得時雨宿麥

潤澤其賜公卿半奉有司勉遵時政務平刑罰

六年二月王雒山出寶鼎賜三公帛五十匹九卿二千石半之

十二年五月丙辰賜天下男子爵人二級三老孝弟力田人三級流民無名數欲占者人一級鰥寡孤獨篤癯貧無家屬不能自存者粟人三斛

十五年四月賜天下男子爵郎三級郎從官二十歲已上帛百匹十歲已上二十匹十歲以下十匹官在

吏五匹書佐小史三匹令天下大酺五日

十七年五月以祥物顯應遠人著化其賜天下男子

爵人二級三老孝弟力田人三級流人無名數欲占者人一級鰥寡孤獨篤癯貧不能自存者粟人三斛

郎從官視事十歲以上者帛十匹中二千石二千石以下至黃綬貶秩奉贖在去年以來皆還贖

十八年四月己未詔曰自春以來時雨不降宿麥傷旱秋種未下政失厥中憂懼而已其賜天下男子爵

人二級流民無名數欲占者人一級鰥寡孤獨篤癯貧不能自存者粟人三斛



章帝永平十八年八月卽位十月丁未大赦天下賜  
民爵人二級爲父後及孝弟力田人三級脫無名數  
及流人欲占者人一級爵過公乘得移與子若同產  
子鰥寡孤獨篤癯貧不能自存者粟人三斛  
建初三年二月癸巳立貴人竇氏爲皇后賜爵人二  
級三老孝弟力田人三級民無名數及流民欲占者  
人一級鰥寡孤獨篤癯貧不能自存者粟人五斛  
四年四月戊子立皇子慶爲皇太子賜爵人二級太  
老孝弟力田人三級民無名數及流民欲自占者人  
一級鰥寡孤獨篤癯貧不能自存者粟人五斛

七年八月飲酎高廟禘祭光武皇帝孝明皇帝甲辰  
詔書云祖考來格明哲之祀予末小子質又菲薄仰  
惟先帝烝烝之精前脩禘帝以盡孝敬朕得識昭穆  
之序寄遠祖之思今年大禮復舉加以先帝之坐悲  
傷感懷樂以迎來哀以送往雖祭已如在而空虛不  
知所裁庶或饗之豈忘克慎蕭雍之臣碎公之相皆  
助朕之依依今賜公錢四十萬卿半之及百官執事  
各有差

九月車駕進幸鄴勞饗魏郡守令已下至於三老門  
闕走卒賜錢各有差勞賜嘗山趙國吏人復元氏租



賦三歲

元和二年五月戊申詔曰乃者鳳凰黃龍鸞鳥比集  
 七郡或一郡再見白鳥神雀甘露數臻祖宗舊事或  
 班恩施其賜天下吏爵人三級高年鰥寡孤獨帛人  
 一匹經曰無侮鰥寡惠此糞獨加賜河南女子百戶  
 牛酒令天下大酺五日賜公卿已下錢帛各有差及  
 雒陽人當酺者布戶一匹城外三戶共一匹賜博士  
 員弟子見在太學者布人三匹

九月壬辰詔鳳凰黃龍所見亭部無出二年租賦

記曰鳳凰見肥城句嶽亭樛樹上古今  
 註云黃龍見洛陽元延亭部嶽音度 加賜男子爵

人二級先見者布二十匹近者三匹太守三十匹令

長十五匹丞尉半之詩云雖無德與汝式歌且舞宅

如賜爵故事

和帝永元二年五月賜公卿以下至佐史錢布各有

差

三年正月甲子皇帝加元服

元首也謂加冠于首儀  
 禮冠者先筮日後筮賓 賜諸侯王公將軍特進中二

千石列侯宗室子孫在京師奉朝請者黃金將大夫

郎吏從官帛賜民爵級粟帛各有差大酺五日庚辰

賜京師民酺布兩戶共一匹



十月癸未行幸長安詔曰北狄破滅名王仍降西域諸國納貢內附豈非祖宗迪哲重光之鴻烈歟寤寐歎息想望舊京其賜行所過二千石長吏以下及三老官屬錢帛各有差鰥寡孤獨篤癯貧不能自存者粟人三斛

四年八月賜公卿以下至佐史錢穀各有差

八年二月己丑立貴人陰氏爲皇后賜天下男子爵人二級三老孝弟力田三級民無名數及流民欲占者一級鰥寡孤獨篤癯貧不能自存者粟人五斛

十二年三月詔賜天下男子爵人二級三老孝弟力

田三級民無名數及流民欲占者人一級鰥寡孤獨篤癯貧不能自存者粟人三斛壬子賜博士員第子在太學者布人三匹

十五年九月南巡狩清河王慶濟北王壽河間王開竝從賜所過二千石長吏以下三老官屬及民百年者錢布各有差

十一月車駕巡狩還宮賜從臣及留者公卿以下錢布各有差

元興元年十二月立皇子隆爲皇太子賜天下男子爵人二級三老孝弟力田人三級民無名數及流民



欲上者人一級鰥寡孤獨篤癯貧不能自存者粟人三斛

安帝永初三年正月庚子加元服大赦天下賜王主貴人公卿以下金帛各有差男子爲父後及三老孝弟力田爵人三級流民欲占者人一級

六年五月旱丙寅詔令中二千石下至黃綬一切復秩還贖賜爵各有差

元初元年正月甲子改元賜民爵人二級孝弟力田人三級爵過公乘得移與子若同產同產子民脫無名數及流民欲占者人一級鰥寡孤獨篤癯不能自存者穀人三斛貞婦帛人一匹

永寧元年四月丙寅立皇子保爲皇太子賜王主三公列侯以下至郎吏從官金帛又賜民爵及布粟各有差

建光元年二月癸亥大赦天下賜諸園貴人王主公卿以下錢帛各有差四月賜鰥寡孤獨貧不能自存者穀人三斛

延光元年三月大赦改元賜民爵及三老孝弟力田人二級加賜鰥寡孤獨篤癯貧不能自存者粟人三斛貞婦帛人二匹



三年二月濟南上言鳳凰集臺縣丞霍收舍樹上賜臺長帛五十匹丞三十匹尉半之吏卒人三疋鳳凰所過亭郡無出今年田租賜男子爵人二級

順帝以延光四年十一月丁巳卽位己卯賜公卿以下錢穀各有差

永建元年正月大赦天下賜男子爵人二級爲父後三老孝弟力田人三級流民欲自占者一級鰥寡孤獨篤癯貧不能自存者粟人五斛貞婦帛人三匹二月賜百官隨輦宿衛及拜除者各有差十二月賜王王貴人公卿以下布各有差

四年正月丙子帝加元服賜王王貴人公卿以下金帛各有差賜男子爵及流民欲占者人一級爲父後三老孝弟力田人二級鰥寡孤獨篤癯貧不能自存者帛一匹

陽嘉元年正月乙巳立皇后梁氏賜爵人二級三老孝弟力田三級爵過公乘得移與子若同產同產子民無名數及流民欲占者人一級鰥寡孤獨篤癯貧不能自存者粟人五斛

三年五月大赦天下賜民年八十以上米一斛肉二十斤酒五斗九十以上加賜帛人二匹絮三斤



永和四年四月戊午大赦天下賜民爵及粟帛各有差

建康元年四月辛巳立皇太子恢爲皇太子改年建康大赦天下賜爵人各有差

桓帝建和元年正月大赦天下賜吏更勞一歲男子爵人二級爲父後及三老孝弟力田人三級鰥寡孤獨篤癯貧不能自存者粟人五斛貞婦帛人三匹

二年正月甲子皇帝加元服庚午大赦天下賜河間渤海二王黃金各百斤彭城諸國王各五十斤公主大將軍三公特進侯中二千石二千石將大夫郎吏

從官四姓及梁鄧小侯諸大夫以下帛各有差年八十以上賜米酒肉九十以上加帛二匹綿三斤

永興二年十一月甲辰按獵上林苑遂至函谷關賜所過道傍年九十以上錢各有差

延熹二年十月行幸長安賜長安民粟人十斛園陵人五斛行所過縣三斛

靈帝建寧元年二月大赦天下賜民爵及帛各有差獻帝建安九年十一月賜三公已下金帛各有差自是三年一賜以爲嘗制

十年九月賜百官尤貧者金帛各有差



二十年正月甲子立貴人曹氏爲皇后賜天下男子爵人一級孝弟力田二級賜諸王侯公卿以下穀各有差

延康元年四月饒安縣言白兔雉見賜饒安田租渤海郡百戶牛酒大酺三日

魏文帝初嗣丞相魏王位以漢延康元年二月賜諸侯王將相已下大將粟一萬斛帛一千匹金銀各有差等

黃初元年十一月受漢禪賜男子爵人一級爲父後及孝弟力田人二級封爵增位各有差

三年立皇后郭氏賜天下男子爵人二級鰥寡孤獨篤癯及貧不能自存者賜穀

明帝青龍元年正月甲申青龍見郊之摩陂井中二月丁酉幸摩陂觀龍于是改年改摩陂爲龍陂賜男子爵人二級鰥寡孤獨無出今年租賦

景初二年十二月辛巳立皇后賜天下男子爵人二級鰥寡孤獨穀

齊王正始元年八月車駕巡省雒陽界秋稼賜高年力田各有差

四年正月帝加元服賜群臣各有差



陳留王以甘露五年六月甲寅嗣位大赦賜民爵及穀帛各有差

晉武帝太始元年十二月丙寅受魏禪賜天下爵五級鰥寡孤獨不能自存者穀人五斛丁卯以驃騎將軍石苞爲大司馬封樂陵公車騎將軍陳騫爲高平公衛將軍賈克爲車騎將軍魯公尚書令裴秀爲鉅鹿公侍中荀勗爲濟北公太保鄭克爲太傅壽光公太尉王祥爲太保陸公丞相何曾爲太尉朗陵公御史大夫王沉爲驃騎將軍博陵公司空荀顛爲臨淮鎮北大將軍衛瓘爲首陽公其餘增封進爵各有

差文武並增位二等戊辰詔大弘儉約出御府珠玉玩好之物頒賜王公以下各有差

三年九月賜王公以下帛各有差

四年正月律令成封爵賜帛各有差庚寅詔曰使四方之內棄末反本競農務功能奉宣朕志令百姓勤事樂業者其唯郡縣長吏乎先之勞之在于不倦每念經營職事亦爲勤矣其中左典收種草馬賜縣令長相及郡國丞各一匹

六年十一月幸辟雍行鄉飲酒之禮賜太嘗博士學生帛牛酒各有差



七年正月丙午皇太子冠賜王公以下帛各有差  
咸寧元年二月以奉祿薄賜公卿以下帛各有差

二年正月賜諸散吏至於亡卒絲各有差

十月丁卯立皇后楊氏賜王公以下及於鰥寡各有差

太康元年三月以吳平大赦改元太醮五日恤孤老  
困窮

二年三月賜王公以下吳生口各有差

十年十一月帝疾瘳賜王公以下帛有差

惠帝永平元年二月甲寅賜王公以下帛各有差五

月賜孝弟高年鰥寡力田者帛人三匹

十一月大醮五日

永寧元年四月齊王冏等舉兵誅趙王倫乘輿反正

大赦改元孤寡賜穀五斛大醮五日

六月戊辰大赦增吏位二等

太安元年六月癸卯立清河王遐子覃爲皇太子賜  
孤寡帛大醮五日

元帝大興元年三月卽位大赦改元文武增位二等

明帝太寧三年三月戊辰立皇子衍爲皇太子大赦  
增文武位二等大醮三日賜鰥寡孤獨帛人二匹



成帝以大寧三年閏三月己丑卽位大赦增文武位  
二等賜鰥寡孤獨帛人二匹

咸和元年二月丁亥大赦改元大酺五日賜鰥寡孤  
獨老粟人二斛

咸康元年正月庚午朔帝加元服大赦改元增文武  
位一等大酺三日賜鰥寡孤獨不能自存者粟五斛  
康帝以咸康八年六月甲午卽位十二月增文武位  
二等

穆帝升平元年正月加元服大赦改元增文武位二  
等

八月立皇后何氏大赦賜孝弟鰥寡米五斛逋租宿  
債皆勿收大酺三日

簡文帝以咸安元年十一月己酉卽位戊午大赦天  
下大酺五日增文武位二等孝弟忠貞鰥寡孤獨米  
人五斛已未賜桓温軍三萬人人布一匹米一斛  
孝武寧康三年八月立皇后王氏大赦加文武位二  
等

太元元年五月大赦增文武位各一等  
安帝隆安元年春正月己亥朔加元服改元增文武  
位一等



義熙元年桓玄誅乘輿反正大赦賜百姓爵二級鰥寡孤獨穀人五斛大酺五日

後魏道武登國二年正月班賜功臣長孫嵩等七十人各有差

三年五月癸亥北征庫莫奚六月大破之獲其四部雜畜十餘萬渡弱落水班賞將士各有差

六年十月戊戌北征蠕蠕追之及於大磧南林山下大破之班賜從臣各有差十二月既滅衛辰車駕次於鹽池自河已南諸部悉平簿其珍寶畜產各馬三十餘萬匹牛羊四百餘萬頭班賜大臣各有差

七年五月班賜諸官馬牛羊各有差

十年破慕容寶衆獲文武將吏數千人器甲輜重軍資雜財十餘萬計大班賞大臣將校各有差

皇始二年十月破慕容賀麟衆獲其所傳皇帝璽綬圖書府庫珍寶簿列數萬班賜功臣及將士各有差天興二年二月大破高車雜種還次牛川及簿山刻石記功班賜從臣各有差

七月辛酉大閱於鹿苑饗賜各有差

三年正月賜群臣布帛各有差



人

明元永興三年七月戊申賜衛士酺三日布帛各有差

辛酉賜附國大夫錦罽衣服各有差

四年八月壬子命民大酺三日己卯賜王公已下至宿衛將士布各有差

五年二月賜陽平王熙及諸王公侯將士帛各有差  
神瑞元年正月辛巳幸繁峙賜王公已下至於士卒百工布帛各有差

二年正月車駕至自北伐賜從征將士布帛各有差

二月賜附國大渠帥朝歲首者繒帛金罽各有差

泰嘗五年正月庚戌朔自薛林東還至於屋竇城亭勞將士大酺二日班禽獸以賜之

七月丁未幸雲中太室賜從者大酺

七年正月自雲中西行幸屋竇城賜從者大酺三日蕃渠帥繒帛各有差

太武始光二年十月車駕至自北伐以其雜畜班賜將士各有差

三年正月車駕至自北伐班軍實以賜將士行留各有差



七月築馬射臺於長川帝親登臺觀走馬王公諸國  
軍長馳射中者賜金帛繒絮各有差

四年正月車駕至自西伐賜留臺文武生口繒帛馬  
牛各有差

七月築臺於祚嶺戲馬射賜射中者金帛繒絮各有  
差

八月至自西伐飲至策勲告於宗廟班軍實以賜留  
臺百僚各有差

神麇四年正月平赫連定車駕次於木根山大享群  
臣賜布帛各有差

二月癸酉車駕還宮飲至策勲告於宗廟賜留臺百  
官各有差

延和元年八月討馮文通拔冀陽虜獲生口班賜將  
士各有差

三年正月乙未車駕次於汝水大饗羣臣班賜各有  
差

太延元年六月詔曰比者以來禎瑞仍臻其令天下  
大酺五日

正平元年正月丙戌朔車駕任南伐大會羣臣於江  
上文武受爵三百餘人



三月車駕至自南伐賜留臺文武所獲軍資生口各有差

文成以正平二年十月戊申即位改興安元年十二月甲申文武各加位一等

初帝班賜百僚謂征北將源賀曰朕大資善人卿其

任意取之勿謙退也賀辭回使取之賀唯取戎馬一匹而已

二年正月戊戌詔曰朕以眇身纂承大業懼不能宣

慈惠和寧濟萬邦夙夜兢兢若臨淵谷然卽位已來百姓宴安風雨順序邊方無事衆瑞兼呈不可勝數

又於苑內獲方寸玉印其文曰子孫長壽羣公卿士

咸曰休哉豈朕一人克臻斯應實繇天地祖宗降祐

之所至也思與兆庶共茲嘉慶其令民大酺三

太安四年二月行幸遼西登碣石山觀滄海大饗羣

臣於山上班賞進爵各有差改碣石山爲樂游山築

壇記行於海濱

和平三年四月河內人張超於懷樓新城北故佛圖

處獲玉印以獻印方二寸其文曰富樂日昌永保無

疆福祿日臻長享萬年玉色光潤模制精巧百僚咸

曰神明所授非人所爲也詔天下大酺三日

孝文延興三年十月癸巳太上皇帝南巡至於懷州

所過問民疾苦賜高年孝弟力田布帛



太和元年十月癸酉宴京邑耆老年七十以上於太華殿賜以衣服

四年六月丁卯以澍雨大洽曲赦京師以紬綾絹布百萬匹及南伐所俘賜王公以下

七月壬子改作東明觀詔會京師耆老賜錦綵衣服几杖稻米密麵復家人不徭役

五年二月辛卯朔大赦天下賜孝弟力田孤貧不能自存者穀帛有差

四月壬子以南得萬餘口班賜羣臣

六年三月辛巳幸武州山石窟寺賜貧老者衣服

十七年正月壬子朔帝享百僚於太極殿乙丑詔曰夫駿奔入覲臣下之嘗式錫馬賜車君人之嘗惠今諸邊君蕃裔皆虔集象魏趨鏘紫庭貞享既畢言旋無遠各可依秩賜車旗衣馬務令優厚其武典巖昌各賜錦綵繒纈一千吐谷渾世子八百鄧至世子雖因事至都亦宜賚及可賜三百命數之差皆依別牒七月癸丑以皇太子立詔賜民爲父後者爵一級爲公士曾爲吏屬者爵二級爲上造鰥寡孤獨不能自存者粟人五斛

八月帝南伐車駕至泗州民年七十以上賜爵一級



路見取跌停駕所經傷民秋稼者畝給穀五斛戊辰  
 濟河詔維懷并肆所過四州之民百年以上假縣令  
 九十以上賜爵三級八十以上賜爵二級七十以上  
 賜爵一級鰥寡孤獨不能自存者粟人五斛布二匹  
 十月詔京師及諸州從戎者賜爵一級應募者加二  
 級主將加三級  
 十八年車駕南巡詔相交豫三州百年以上假縣令  
 九十以上賜爵二級七十以上賜爵一級孤老鰥寡  
 不能自存者賜粟五石帛二匹

八月帝幸懷朔諸鎮還所過皆親見高年問民疾苦

貧窘孤老賜以粟帛

十一月辛未朔詔冀定二州民百年已上假以縣令  
 九十以上賜爵三級八十以上賜爵二級七十以上  
 賜爵一級鰥寡孤獨不能自存者賜以穀帛

十二月車駕南伐丁卯詔鄂豫二州之民百齡已上  
 假縣令九十以上賜爵三級八十已上賜爵二級七  
 十已上賜爵一級鰥寡孤獨老不能自存者賜以穀  
 帛

十九年正月講武于汝水之西賚六軍

四月車駕幸彭城辛亥詔賜百歲以上假縣令九十



以上賜爵三級八十以上賜爵二級七十以上賜爵一級孤寡老疾不能自存者賜以穀帛已未行幸瑕丘詔諸宿衛武官增位一級庚申行幸魯城詔賜兗州民爵級粟帛

五月帝自南伐行飲至之禮頒賜有差六月帝自伐齊回詔濟州東郡滎陽及河南諸縣車駕所經者百一年以上賜假縣令九十以上賜爵三級八十以上賜爵二級七十以上賜爵一級孤老鰥寡不能自存者賜穀帛

十月甲辰曲故相州民百年以上假郡守九十以上

假縣令八十以上賜爵三級七十以上賜爵一級孤

老痼疾不能自存者賜與穀帛

十二月甲子引見群臣于光極堂班賜冠服

二十一年正月丙申立皇子恪為皇太子賜天下為

父後者爵二級

二月乙丑詔并州土人年六十以上假以郡守三月

甲寅詔汾州民百年以上假縣令九十以上賜爵三

級八十以上賜爵二級七十以上賜爵一級

五月車駕汎渭入河詔雍州土人百年以上假華郡

太守九十以上假荒郡八十以上假華縣七十以上



假荒縣庶老以年各減一等七十以上賜爵三級其營船之夫賜爵一級鰥寡孤貧窮病廢疾各賜帛二匹穀五斛

宣武景明二年二月庚午宿衛之官進位一級三年七月詔加文官從征顯達宿衛者二階閑散者一階

十二月饗群臣於太極前殿賜帛有差以殿初成也正始四年九月詔曰朕秉曆承天履年將紀徒正宮極歲浹歸餘台懿茂親祇勤已久列司英彥庸績未酬非所謂有功見知賞以時及其以司空高陽王雍

爲太尉尚書令廣陽王嘉爲司空百官悉進位一級延昌元年十一月詔曰朕運承天休統御宸宇太子體籍靈蔭肇建宮華明兩旣孚三善方洽宜澤均率壤榮汎庶裔其賜天下爲父後者爵一級孝子順孫廉夫節婦旌表門閭量給粟帛

服賜羣臣

熙平元年二月克硤石三月以硤石俘虜分賜百寮神龜元年正月詔曰朕冲昧撫運政道未康民之疾苦弗遑紀恤夙宵矜慨鑒寐浮懷眷被百齡悼茲六



極京畿百年已上給大郡板九十以上給小郡板八十以上給大縣板七十以上給小縣板諸州百姓百歲以上給小郡板九十以上給大縣板八十以上給中縣板鰥寡孤獨不能自存者賜粟五斛帛二匹正光元年七月辛卯帝加元服大赦改元內外百官進位一等

孝昌元年六月癸未赦改年詔文武之官從軍二百日文官優一級武官優二級

孝莊建義元年四月詔從太原王爾朱榮督將軍士普加五階在京文官兩階武官二階

永安二年四月詔內外百寮普汎加三級庚子詔太原王爾朱榮將士汎加二級

是月又詔上黨百年以下九十以上板三品郡八十以上四品郡七十以上五品郡

七月戊辰破元顥庚午車駕入居華林園大赦詔隨駕文武馬渚立義加汎五級河北執事之官二級河南立義及迎駕之官并中途扈從亦二級又詔諸州郡遣使奉表行營者普加一大階

三年十月戊申皇太子生大赦天下文武百寮汎加二級前廢帝初卽位改普太元年三月詔內外文武



普汎四階合敘未定第者亦沾一級潁州王爾朱兆  
彭城王爾朱仲遠隴西王爾朱天光樂平王爾朱世  
隆嘗山王爾朱定律車騎儀同三司高歡都督斛律  
椿下軍士普汎六級

後廢帝以普太元年十月卽位文武百官普汎四級  
出帝大昌元年五月乙巳幸華林都亭宴羣臣以班  
資有差

六月戊寅詔內外百司普汎六級在京百寮加中興  
四級義師將士並加軍汎六級在鄴百官三級河北  
同義之州兩級河橋建義者加五級關西三級

八月壬戌朔齊文襄王來朝讌射班資部下各有差  
永熙二年正月巳亥車駕幸崧高石窟露巖寺庚子  
又幸散施各有差

八月巳丑齊文襄王來朝帝讌於華林都亭班資部  
下各有差

後周閔帝元年時不建紀號正月辛丑受西魏禪卽天王  
位丁未會百官於乾安殿班賞各有差

三月庚子會文武百官班賜各有差

九月庚申詔曰朕聞君臨天下者非繇一人特乃上  
下同心所致今文武之官及諸軍人不霑封者宜各



進兩大階

明帝二年七月順陽獻三足烏詔文武官並進二級  
武成二年三月辛酉重陽閣成會羣公列將卿大夫  
及突厥使者於芳林園賜錢帛各有差

武帝保定元年正月戊申改元詔曰加號旣新惠澤  
宜洽文武百官各增四級

是月丙子大射於正武殿賜百官各有差

二年五月庚午以山南衆瑞並集百官及軍人普汎  
二級

天和元年正月癸未改元百官並加四級

三年三月癸卯皇石阿史那氏至自突厥行親迎之  
禮丁未大會百寮及四方賓客於路寢賜衣馬錢帛  
各有差

建德元年四月癸巳立魯王贇爲皇太子百官各加  
封級

十一月庚戌行幸羗橋集京城以東諸軍都督以上  
頒賜有差

十二月壬申行幸斜谷集京城以西諸軍都督以上  
頒賜有差

二年六月壬子皇孫衍生文武官普加一階



三年十月行幸同州十一月戊子至自同州大會衛官及軍人以上賜錢帛各有差

六年三月丙午以平齊論定諸軍勲置酒於齊太極殿會軍士以上頒賜有差

宣帝大象二年二月丁亥賜百官及民大酺

隋文帝開皇二年十月庚寅帝疾愈享百寮於觀德殿賜錢帛皆任其自取盡力而出

三年三月庚申宴百僚班賜各有差

四年八月以秦王俊納妃宴百僚班賜各有差

八年九月丁丑宴南征諸將班賜各有差

九年四月庚戌帝御廣陽門宴平陳將士班賜各有

差初大軍出時勅有司曰亡國物我一不以入府可

於苑內築五塚當悉賜文武百官大射以取之及是

帝御玄堂大陳之奴婢貨賂會王公文武官七品以

上武職領兵部督以上及諸考使以射之

十二年十一月辛亥有事於南郊壬子宴百僚班賜各有差

十七年二月壬寅以河東王昭納妃宴羣臣班賜各有差

五月庚申宴百僚于玉女泉班賜各有差



十九年正月戊寅大射武德殿宴賜百官

煬帝大業五年二月戊申帝自東都還丙辰宴耆舊四百人於武德殿班賜各有差

六年四月丁未帝在江都宴淮南父老班賜各有差  
七年二月己未升釣臺臨揚子津大宴百寮頒賜各有差

八年四月丙申赦詔高年之老賜以粟帛兼賜天下大酺  
十一年正月乙卯大會蠻夷設魚龍曼延之樂班賜各有差

唐高祖武德元年五月甲子卽位戊辰宴羣臣賜帛有差七月己未賜百僚及義士布帛各有差八月庚子宴設三品以上賜雜綵各有差十一月己酉太宗降薛仁果帝聞而大悅因置酒高會奏九部樂賜羣臣錢各有差癸亥太宗凱旋獻俘甲子帝置酒宴旋師及骨咄祿特覲於玄武門賜帛各有差十二月乙酉幸周氏陵過故莊丙戌技獵置酒高會極歡而罷賜錢絹各有差

二年二月癸巳宴羣臣奏九部樂賜錢各有差極歡而罷五月戊辰宴并州從五品以上於仁壽殿帝極



冊府元龜慶賜  
卷之七十九  
歡賜帛各有差

三年四月壬戌太宗平并州悉復地帝大悅置酒含

章殿宴羣臣極歡遣入御府賜繒綵皆盡重而出六

月癸丑幸昆明池宴從官賜錢各有差八月庚戌宴

羣臣奏九部樂於庭賜布帛各有差

四年四月壬寅皇太子建成北討班師帝于玄武門

宴勞將士賜帛各有差五月丁丑以太宗平王世充

獻捷于京師宴羣臣賜帛各有差七月戊辰宴羣臣

奏九部樂於庭帝舉酒屬百官極歡乃罷賜錢帛各

有差九月癸亥賜五品以上射於武德殿賞金銀綾

綺各有差閏十月乙卯幸稷州己未次於武功舊莊

從官賜錢各有差庚申召父老故吏男女數百人置

酒高會賜帛各有差

五年正月辛丑賜羣臣大射於玄武門賫綵帛各有

差壬子幸昆明池宴從官賜帛各有差三月己酉宴

群臣及京城父老賜帛各有差七月丙戌以太宗征

劉黑闥班師宴旋師賜帛各有差

六年三月己丑宴五品以上於昭德殿賜帛各有差

四月己未幸故宅改名通義宮置酒高會賜從官帛

各有差十月甲辰宴羣臣賜物各有差慶有年也



七年三月己卯幸琅琊公主第宴從官五品以上賚各有差四月癸卯宴羣臣賜帛各有差丙午宴王公親屬於文明殿帝賦詩王公進上壽賜帛各有差七月壬子幸東宮從官下至胥徒頒賜有差

八年正月甲寅幸太宗第宴五品以下賜帛各有差二月甲午幸齊王元吉第宴五品以上賚物各有差五月乙巳宴五品以上及外戚於內殿賜綵極歡而罷十二月庚辰狩於鳴犢泉之野辛巳還宮宴從官賚物綵帛各有差

九年六月癸亥立太宗爲皇太子所司具禮以時冊命宴羣臣賜帛各有差又詔凡厥庶政事無大小悉委皇太子斷決旣溥天同慶宜加惠澤爲父後者若有勲爵皆令襲繼諸赤牒擬授職事官見任者並卽爲真其已得贊者參選之日聽依階敘文武官人節級頒賜務存優給稱朕意焉

七月高祖傳位於太宗稱太上皇後四年乃徙居大安宮於是親侍輿輦百寮陪從太上皇甚悅置酒高會極歡而罷賜物各有差

太宗後與公卿謁太上皇於戢武殿置酒爲歡乙夜方散賜帛各有差



後太宗演武於城西太上皇親勞將士置酒於故未央宮宴三品以上極夜方散賜物各有差

曾淋瀝而謂觀者皆曰

突官飲最盛計與董百常河表太上皇其於置酒

八月高陳將飲太宗麻太上皇對四拜於殿

贈爵顯赫存身餘解知意

為其地且將得善終之計學分前於文及守人

亦燻置皆全製解法亦制其味亦其味亦其味

委皇太子親大相與天同武官職思其人少

命宴擊出思官各齊蓋又隨其



